

РАМАЗОН –

гуноҳлардан тийилиш ойи

Рамазон – гуноҳлардан тийилиш ойи. Бу ҳақда Набий соллаллоҳу алайҳи ва саллам бундай баён қилганлар: **“Ким ёлғон гапиришни ва унга амал қилишини қўймаса, унинг ейиш-ичишни тарк қилишига Аллоҳнинг эҳтиёжи йўқ”** (Имом Бухорий ривояти).

Бу ҳадисда Пайғамбаримиз алайҳиссалом рўза туттган одам ёлғон гапиришдан сақланиши лозимлигини таъкидламоқда. Уламоларимиз ҳадисда зикр қилинган “ёлғон сўз” – нинг остига фийбат, бўхтон, чақимчилик, сўкиш, ҳақорат каби тил оғатлари ҳам кирди, дейишган. “Унга амал қилиш” деганда эса, шариатга хилоф бўлган барча гуноҳ ишлар тушунилади.

Айрим кишилар рўза тутиб, ёлғон гапирадилар, иғво, бўхтон, фийбат қиласидилар, турли ёмон ишлардан ўзларини тиймайдилар. Бундай кишилар рўзанинг фойсадидан, савобидан маҳрум бўлади. Минг афсуски, уларга рўза тутишларидан фақат оч қолганлари қолади, холос.

Ким рўзадан тўла манфаат олмоқчи, савобига тўлиқ эришмоқчи бўлса, ўзини ейиш-ичишдан ташқари беҳуда, бўлмағур гап-сўз ва амаллардан ҳам тиймоғи лозим.

Мусулмон киши ҳар доим гуноҳ қилишдан, жумладан, тил орқали бўладиган, ёлғон, бўхтон, фийбат, чақимчилик каби гуноҳларни содир қилишдан сақланиши лозим.

Абу Ҳурайра розийаллоҳу анҳу ривоят қиласиди. «Расулуллоҳ соллаллоҳу алайҳи ва саллам: **“Рўза қалқондир** (Абу Заннад шу лафзни шарҳлаб: жаҳаннамдан қалқондир, деган). Сизлардан ким Рамазонда рўза туттса, фаҳи сўзларни сўзламасин, баланд овозда бақирмасин. Агар уни бирор киши сўкса ёки у билан уришмоқчи бўлса, икки марта: Мен рўзадорман, мен рўзадорман, десин”, дедилар» (Имом Бухорий ривояти).

Бу ҳадисда рўза туттган киши ҳар хил бемаъни сўзларни гапириши ва бақирчақир қилиб одамларга азият беришдан қайтариляпти. Шунингдек, бошқа киши томонидан унга шу каби гуноҳ ишлар содир бўлса ҳам, бунга сабр қилиб, рўзадор эканини эслатиб қўйиши тавсия этилмоқда. Бундан кўринадики, рўзадор киши ҳар қандай ҳолатда ҳам гуноҳ қилишдан ўзини асрashi лозим.

Ибн Хузайма розийаллоҳу анҳу ривоят қиласиди. Набий соллаллоҳу алайҳи ва саллам: **“Агар сен рўзадор бўлсанг, бирор кишини сўкмагин, агар сени бирор киши сўкса, мен рўзадорман, деб айтгин. Агар турган бўлсанг, ўтириб ол, ғазабинг кетади”**. Бошқа ривоятда ўтирганингда ҳам кетмаса, таҳорат қилгин ва икки ракат намоз ўқигин, дейилган (Имом Бухорий ривояти).

Салафи солихларнинг сўзлари мулойим, гаплари зикр, назарлари ибрат, жим туришлари тафаккур эди. Қахҳор сифатли Зотга дуч келишидан қўрққан инсон тилидан зикр ва шукр тушмайди, беҳаё, уятсиз, ахлоқсиз ва лағв сўзлардан тийилади. Шунинг учун Ибн Масъуд розийаллоҳу анҳу: **“Ер юзида сақлаш (энг) зарур бўлган нарса тилдир”**, деган. Такводор зотлар гапирмокчи бўлсалар, сўзлари ортидан келадиган машаққатини ўйлаб сукут сақлаганлар. Бошқаларга озор беришдан эҳтиёт бўлганлар.

«Пайғамбаримиз соллаллоҳу алайҳи ва саллам: **“Кимнинг тили ва қўлидан мусулмонлар саломат бўлса, у комил мўминдир”**, дедилар» (Имом Муслим ривояти). Бу ҳадисдан инсон камолотга этиши ва айниқса, рўзадор тутаётган рўзасини қабул бўлиши учун тил, қўл ва барча аъзолар билан озор беришдан сақланиши лозим.

Қобилжон ИСҲОҚОВ,
Андижон шаҳар “Шаҳидтепа” жоме масжиди имом-хатиби

Расулуллоҳни севиіш иймонданыр



Анас розийаллоху анху ривоят қиласы. Пайғамбаримиз алайхиссалом: “Жоним измида бұлған Зотга қасам, сизлардан бирор киши, мен унға отаси, боласи ва барча одамлардан севимли бұлмагунимча, у мүмин бұла олмайды”, дедилар (*Имом Бухорий ривояти*).

“Бу ҳадисда қандай мұхаббат назарда тутилған, табиий ёки ихтиёрий?” деган савол туғилса, жавоби бундай: «Табиий мұхаббат кишининг ихтиёрида бўлмайди. Чунки Пайғамбаримиз алайхиссалом Ойша онамизни бошқалардан кўпроқ яхши кўрганлар. Оналаримиз хусусида: “Ё Аллоҳ, бу менинг қодир бўлганим нарсадаги тақсимотим. Сен Ўзинг эгалик қилган ва мен эгалик қишлоғидиган нарсада мени маломат қилма”, деганлар (*Имом Термизий ривояти*).»

Ҳадисда ихтиёрий мұхаббат ирода қилинган. Ихтиёрий мұхаббатни инсон касб қила олади. Яъни, инсон тафаккур ва тадаббур қилиб, Пайғамбаримиз алайхиссаломнинг барчадан кўра мұхаббат ва таъзимга лойик эканларини билади».

Абдуллоҳ ибн Ҳишом розийаллоху анху ривоят қиласы. «Расулуллоҳ соллаллоху алайхи ва саллам Умар ибн Хаттоб розийаллоху анхунинг кўлидан тутиб турғанларида, у киши: “Ё Расулуллоҳ, сизни барча нарсадан яхши кўраман. Фақат ўзимдан кўра яхши кўролмаяпман”, деди. Пайғамбаримиз алайхиссалом: “Йўқ, жоним измида бўл-

ган Зот ҳаққи, ўзингдан ҳам яхшироқ кўрмагунингча мүмин бўлолмайсан”, дедилар. Умар розийаллоху анху: “Аллоҳга қасам, энди сизни ўзимдан ҳам яхшироқ кўрдим”, деди. Расулуллоҳ соллаллоху алайхи ва саллам: “Ана энди бўлди, эй Умар”, деб марҳамат қилдилар» (*Имом Бухорий ривояти*).

Ашраф Али Таҳонавий раҳматуллохи алайх ҳадисни бундай шарҳлайди: «Ҳадисда ихтиёрий мұхаббат назарда тутилған. Чунки табиий мұхаббат инсоннинг ўзига боғлиқ эмас. Ҳазрат Умар розийаллоху анхунинг: “Фақат ўзимдан кўра яхши кўролмаяпман” деганидан ихтиёрий мұхаббат эмас, балки табиий мұхаббат англашилмоқда.

Шунда Набий алайхиссалом сўзларидаги мұхаббатдан эса табиий мұхаббат эмас, балки ихтиёрий мұхаббат ирода қилингани тушунилади. Ҳазрат Умар розийаллоху анху Набий алайхиссаломга: “Аллоҳга қасам, энди ўзимдан ҳам яхшироқ кўрдим” дер экан, динда лозим бўлған мұхаббатдан мурод ихтиёрий мұхаббат эканини билиб, уни изхор этди ва Пайғамбаримиз алайхиссалом: “Ана энди бўлди, эй Умар”, дедилар. Яъни: “Тўғри, сен энди тушундинг. Ихтиёрий мұхаббат бўлиши лозим”, дедилар».

Манбалар асосида
Имом Бухорий номидаги
Тошкент ислом институти талабаси
Моҳигул АНВАРОВА
тайёрлади.

Мундарижас



Убудият

Рамазон – гуноҳлардан тийилиш ойи 1

Таянч нуқта

Расулуллоҳни севиш иймондандир 2

Тағсир

Аллоҳ ҳаром қилган нарсалар 4

Долзарб мавзу

Биламиз-у, аммо идрок қилмаймиз 6

Улуғларимиз

Мири Хурд Вобкандий 7

Саҳобалар ҳаёти

Саҳро ўғлони 8

Ҳадис шарҳи

Фақат тупроқ тўйдиради... 10

Эслатма

Умр – ғанимат 11

Рўза ҳикматлари

Жисму жонимизга малҳам 12

Огоҳлик – давр талаби

Ёт ғоялардан ҳимоялаш
ота-онанинг вазифаси 13

Тарихга назар

Жадидларнинг хизматлари 14

Яхшилар ёди

Иккинчи умр 15

Масала

Сўраган эдингиз... 16

Одамийлик меҳвари

Саховат ва ҳиммат 17

Динимизни ўрганамиз

Басмала – алоҳида оят 18

Йилнома

Рамазонда бўлган муҳим воқеалар 19

Дунёдан дараклар

Ислом ва олам 20

Тадқиқот

“Шифоул илал” рисоласи 22

Шеърият

Умр мавсуми ўтди
илғамас тушдек... 24

Қуръон қиссалари

Үйдирма ҳодисаси 26

Ўғит

Сезилмайдиган жазо 27

Ислом – ҳақ дин

Осмоннинг ҳам дарвозаси бор 28

Ислом тамаддуни тарихидан

“Нуриддин” шифохонаси 29

Саодат асрига саёҳат

Бадр ғазоти 30

Минтақа

Грузия
мусулмонлари 32



بِسْمِ اللَّهِ الرَّحْمَنِ الرَّحِيمِ

يَا أَيُّهَا الَّذِينَ آمَنُوا إِنَّمَا الْخُمُرُ وَالْمَيْسِرُ وَالْأَنْصَابُ وَالْأَزْلَامُ رِجْسٌ مِّنْ عَمَلِ
الشَّيْطَانِ فَاجْتَنِبُوهُ لَعَلَّكُمْ تُفْلِحُونَ ﴿٩٠﴾

Аллоҳ ҳаром қилган нарсалар

“Эй имон келтирганлар! Албатта, май (маст қилувчи ичимликлар), қимор, бут-санамлар ва (фол очадиган) чўплар шайтоннинг ишидан иборат ифлослиқдирки, улардан четланингиз! Шояд (шунда) нажот топсангиз” (*Моида сураси, 90-оят*).

Ушбу оятда мўминларга бир неча нарсалар ҳаром қилингапти. Жумладан:

Хамр

Араб тилида “хамр” сўзи “тўсиш”, “беркитиш” маъноларини англатади. Истеъмол қилган кишининг ақлига таъсир этадиган, унинг ақлини тўсадиган, қўзини беркитадиган, бошқача айтганда, mast қиладиган ҳар бир нарсага “хамр” дейилади.

Иbn Умар розийаллоҳу анҳумо Набий соллаллоҳу алайҳи ва салламдан ривоят қилган ҳадиси шарифда: “Ҳар бир mast қилувчи нарса хамрдир ва ҳар бир хамр ҳаромдир”, дейилган (*Имом Муслим, Имом Насоий, Имом Ибн Можа ва Имом Аҳмад ривояти*).



Қимор

“Қимор” аслида арабча сўз, аммо оятда айнан “қимор” сўзи эмас, балки унинг синоними “майсир” сўзи келган. Бу эса осонлик билан мол топиш маъносини билдиради. Яъни, қиморнинг ҳақиқий маъносига далолат қиласди.

Бутлар

Бутлар жоҳилият даврида мушриклар ибодат қилиб, ўз жонлиқларини уларга атаб сўядиган тошдан бўлган санамлардир. Аллоҳ таоло бу ерда иймон келтирганларни ширк амалдан қайтармоқда.

Фол очадиган чўплар

Чўплар билан фол очиш жоҳилият даври арабларига хос одатлардан эди. Уларнинг бирига “Қил”, иккинчисига: “Қилма” деб ёзилар, учинчисига ҳеч нарса ёзилмасди. Агар улар турмуш қурмоқчи, сафарга чиқмоқчи ёки бирон муҳимроқ ишни бошламоқчи бўлсалар, шу йўл билан ўз “баҳт”ларини синаб кўриб, фол очишарди. Агар уларга биринчи ёзув, яъни “қил” деган ёзув чиқса, улар ўша ишни қатъий қарор билан амалга оширас, агар иккинчиси чиқса, уни бутунлай тарқ қиласар, учинчиси чиқса, қайтадан фол очар эдилар. Бу нарса ғайбни даъво қилиш ва коҳинлик ишларидан саналгани боис қатъий ман этилган.

Аллоҳ таоло бу ояларда хамр, қимор, бут-санамларга ибодат қилиш ва фолбинлик билан шуғулланиши жамлаб зикр қилмоқда. Зеро, улар зарар жиҳатидан бир-бирига яқиндир. Яъни, хамр ва қимор, бут-санамларга талпиниш ва фолбинлик, ҳаромлик жиҳатидан ҳам, гуноҳ жиҳатидан ҳам бир-бирига тенгдир.

Эътибор қылсангиз, Аллоҳ таоло ушбу ояти каримани нозил этар экан, унда хамр ичиш ва қимор ўйнаш каби гуноҳи кабираларни бутга чўкиниш ва фолбинга ишониш каби куфр ҳамда ширкка олиб борувчи гуноҳлар билан баробар зикр қилмоқда.



Воҳидийнинг “Асбубун нузул” китобида келтирилишича, Абу Майсара айтади: «Умар ибн Хаттоб: “Эй Аллоҳ, хамр (ароқ) ҳақида бизга баён қилиб бер”, дедилар. Шунда Бақара сурасидаги “Сиздан май ва қимор ҳақида сўрайдилар...” ояти нозил бўлди. Умарга ушбу оят ўқиб берилди. У яна: “Эй Аллоҳ! Ароқ ҳақида бизга қатъий ҳукмингни нозил эт”, деди. Шунда Нисо сурасидаги “Эй мўминлар! Маст ҳолда намозга яқинлашманг...” ояти нозил бўлди. Расулulloҳ соллаллоҳу алайҳи ва салламнинг жарчилари намоз вақти бўлса, “Маст одам намозга яқинлашмасин!” деб нидо қиласр эди. Умар чақирилиб, бу оят ҳам унга ўқиб берилди. У яна: “Эй Аллоҳ, бизга ароқ ҳақида узил-кесил баён қилиб бер!” деди. Шунда ушбу оялар нозил бўлди. Саҳобалар яна Умар розийаллоҳу анхуни чақиришиб, унга оятни ўқиб бе-

ришди. “...бас, энди тийиларсизлар?!?” оятига етганида, Умар: “Тийилдик”, деди».

Баро ибн Озиб розийаллоҳу анхудан ривоят қилинади: «Расулulloҳ соллаллоҳу алайҳи ва салламнинг асхобларидан баъзилари ароқ ичиб вафот этишди. Энди ароқ ҳаром қилингач, баъзи одамлар: “Биродарларимиз қандай бўлишаркан? Улар ароқ ичишарди. Ўша ҳолларида вафот этишди? Шунда “...сўнгра (май ва қимордан) сақланиб, (ҳаромни ҳаром деб) иймон келтирсалар, сўнгра (барча ҳаром ва шубҳалардан) сақланиб, (одамларга) эзгулик қилсалар, олдин еб-ичган (ҳаром) нарсаларида гуноҳ ўйқидир” ояти нозил бўлди» (*Имом Бухорий ва Имом Муслим ривояти*).

Ибн Аббос розийаллоҳу анхумо: “Уларнинг фойдаси ҳаром бўлмасидан олдин эди, гуноҳи эса, ҳаром бўлганидан кейиндир”, деганлар (*Ибн Жарир ва Ибн Абу Хотим ривояти*).

Ибн Аббос розийаллоҳу анхумо: «Моида сурасидаги “Сиздан май ва қимор ҳақида сўрайдилар...” оятини хамрнинг ҳаромлиги ҳақидаги оялар насх қилган», деганлар (*Ибн Абу Хотим ва Имом Байҳақий ривояти*).

“Тафсирул Алусий”да келтирилишича, Аббос ибн Мирдося жоҳилията даврида: “Хамр ичмайсанми? Зеро, у ҳароратингни кўтаради, иш фаолиятингни яхшилайди” дейилганида, у: “Мен ўз қўлим билан жоҳилликни ичимга киргизмоқчи эмасман. Шунингдек, қавмнинг бошлиғи бўлиб тонг оттириб, уларнинг энг тентаги сифатида кунни кеч қилишни хоҳламайман”, деб жавоб беради.

Абу Мусо розийаллоҳу анху ривоят қиласи: «Набий соллаллоҳу алайҳи ва саллам мен ва Муоз ибн Жабални Яманга юбордилар. Мен: “Ё Расулulloҳ! Бизнинг юртларда арпадан қилинадиган “мизр” ва асалдан тайёрланадиган “бить” номли (маст қилувчи) ичимликлар бор”, дедим. У зот: “Ҳар бир мастер қилувчи нарса ҳаромдир”, дедилар» (*Имом Муслим ва Имом Аҳмад ривояти*).

Абдулҳай ТУРСУН,
Наманган вилояти боши имом-хатиби

Биламиз-у, аммо идрок қилмаймиз

Аллоҳ таоло марҳамат қиласи: “**Унда покланишни яхши кўрадиган эрлар бор. Аллоҳ покланувчиларни яхши кўради**”, (*Тавба сураси, 108-оят*).

Ушбу ояти каримадан инсонлар пок яшамоғи, атроф-муҳитни покиза тутмоғи аён бўлади. Озода яаш заруратини Пайғамбаримиз соллаллоҳу алайҳи ва саллам кўп бор таъкидлаганлар: “**Албатта, Аллоҳ покдир, покликни яхши кўради, тозадир, тозаликни яхши кўради...**” (*Имом Термизий ривояти*).

“Lancet” журналида ёзилишича, ҳаво ифлослангани оқибатида турли касалликка чалиниб вафот этган инсонларнинг сони дунё бўйича ўлим ҳолатининг 16 фоизини ташкил қилган. Бу кўрсаткич ОИТС, сил ва безгак ҳамда урушларда ўлганлар қўшиб хисобланса, улардан ҳам кўп экан.

Илгарироқ Европа атроф-муҳит агентлиги ҳаво ифлослиги йилига юз минглаб европаликларнинг эрта ўлимига сабаб бўлаётганини маълум қилган эди.

Бу маълумотлар дунё миқёсида эди. Хўш, бизнинг юртимизда нима гаплар?

Бултур кузда ҳаммаёқни чанг-тўзон қоплагани ёдингизда. Буни кўриб, аввалига туман деб ўйлагандик, кейин қарасак, нафас олишимиз қийинлашди. Чангми, нима бало деб ҳамма дарров эшик-ромларини маҳкамлаб ёпди. Аммо ўша чанг зич ёпилган ромлардан ҳам ўтиб, хоналаримизни ғуборга тўлдирди. Нега бундай бўлди деб қизиқиб бошласак, шахримизнинг ҳавоси ифлосланиш бўйича дунёда энг олдинги ўринларга чиқиб кетибди.

Ўтган йилнинг 17 октябрь оқшомида Тошкент шаҳри ҳавонинг ифлослиги бўйича IQAir рейтингида Дехлини ҳам ортда қолдириб, дунёда 1-ўринга чиқди.

Қишида кўп қор ёғиб, қаттиқ совуқ бўлди. Ўшанда диққат қилиб қараганлар кўргандир, ерга тўшалган қорнинг усти ҳам чанг эди. Шу кунларда ёғаётган ёмғирларни ҳам кузатсангиз, уларнинг ҳам тиниқ эмаслигини кўрасиз.

Бу муаммолар дараҳтларга қирғин келтириш, пала-партиш қурилишлар ва сифатли жамоат транспорти йўқлиги боис шаҳарда шахсий автомобиллар ҳаракати ортиб бораётгани сабабли юз бермоқда. Демак, биз шу вақтга қадар сира хаёлимизга келтирмаган муаммо билан дучлашиб турибмиз. Ҳаво ифлосланиши билан боғлиқ ҳолат фақат узоқлардаги давлатларнинг эмас, бизнинг ҳам муаммоломиз экан.

Лекин биз экологик муаммоларнинг қанчалар жиддийлигини билганимиз билан ҳали ҳам тўлақонли идрок этаётганимиз йўқ. Натижада ҳар йили миллионлаб дараҳт қўчатларини шунчаки қадаб қўйиб, билатуриб исроф қилмоқдамиз, оқибатини билган ҳолда оқар сувларга ҳатто кимёвий чиқиндиларни ҳам ташлаб юборяпмиз... Оқибатда турли касалликлар кўпайиб боряпти.

Ана шундай кўрсаткичлар шояд одамларни атроф-муҳитга нисбатан эҳтиёткорона муносабатда бўлишга ундаса, бунда ахир келгуси авлодларимиз ҳақида сўз боряпти. Қайси киши фарзандининг ногирон бўлиб қолиб, оғир дард остида ҳаёт кечиришини истайди, қайси давлат халқининг ногиронлар жамиятидан иборат бўлишига рози бўлади?!

Мансур ЎРОЛОВ,
Тошкент шаҳри “Нўғайқўргон” масжиди
имом-хатиби

Хожа Маҳмуд Анжир Фагнавий ҳазратларининг яқин шогирди ва халифаси бўлган, “Мири Хурд Вобкандий” номи билан танилган бу зотнинг исми Амир Ҳусайн Хожа бўлиб, у ўз даврининг етук олимларидан саналган. Акаси Амир Ҳасан “Мири Калон” номи билан машҳур бўлган. У ҳам Фагнавийнинг муридларидан бўлган эса-да, халифалик Мири Хурдга берилган.

ўша мадрасада Мулло Муҳаммад Балхий яшаган. Чунки мадрасада сultonий хоналар бўлиб, яшашга жойи йўқ, ночор мударрис ва талабаларга берилган.

Таассуфки, мустабид тузум даврида бу масканнинг ҳам аксар қисми бузилиб кетди. Отахонларимизнинг айтишича, мозорнинг тенг ярмидан катта йўл ўтказилган, йўлнинг ўнг томонида Мири Хурд, чап томонида

Мири Хурд Вобкандий

Али Сафий “Рашаҳот” асарида Мири Хурд Вобкандийни Анжир Фагнавийнинг биринчи халифаси, Хожа Али Ромитанийни эса, иккинчи халифа сифатида келтиради.

Мири Хурднинг кўплаб муридлари бўлсада, вақти етганида у халифаликни Хожа Али Арғундонийга топширган. Амир Ҳусайннинг ҳаёти ҳақида маноқибларда турли нақллар бор. Жумладан, “Мақомоти Сайид Амир Хурд Вобкандий” да бундай келтирилади: “Бир сафар баҳор фаслида ҳеч ёмғир ёғемади. Бухоро аҳолиси, Амир Ҳусайннинг муридлари Аллоҳдан ёмғир сўраб дуо қилишини ундан илтимос қилишди. Мири Хурд таҳорат олиб, жамоат билан дала жойга чиқди ва истисқо намозини ўқигач, дуо қилди. Аллоҳнинг иродаси билан ҳеч қанча вақт ўтмай, ёмғир ёға бошлади. Уч кеча-кундуз тинмади...”

“Хазинатул асфиё” китобида келтирилишича, Мири Хурд хижрий 719 (милодий 1319) йили вафот этган. “Рашаҳот” ва Носириддин Тўранинг “Тухфатуз зоирин” асарида ёзилишича, унинг қабри Маҳмуд Анжир Фагнавий мақбараси супасида. Аммо тарихий ҳужжатларга таянилса, Мири Хурд ва Мири Калоннинг мақбараси Вобкент қалъаси ташқарисида деган хulosага келиш мумкин. Илгари бу ерда “Савр” масжиди, намозгоҳ, “Мадрасаи нав” ва кутубхона бўлган. Мадрасада бошқа юртлардан келган талабалар ҳам таҳсил олишган. 1875 йилда Амир Музаффарнинг қози Муҳиддинга юборган хатига асослансанак,



Мири Калон қабри қолган. Ўтган асрнинг олтмишинчи йилларига келиб эса, мозорлар ҳам текисланиб, ўрнида кутубхона, шифохона, мактаб, ҳаммом каби иншоотлар қурилган.

Шундай бўлса-да, тарихга назар солсак, юртимиздан етишиб чиққан аллома ва авлиёларни халқимиз эъзозлаб келган. Жумладан, Вобкент аҳли орасида 700 йилдан бўён Мири Хурд Вобкандий ва Мири Калонга алоҳида эҳтиром сақланиб келади. Масжидимиз улуғ аллома номи билан аталгани ҳам фикримизнинг далилидир.

**Қурбон ШУКРУЛЛОЕВ,
Вобкент тумани “Мири Хурд Вобкандий”
жоме масжиди имом-хатиби**

Саҳро ўғлони

Саҳройи бадавий араблар орасида журъат, шиҷоат ва дов-юраклиқда Рофеъ ибн Умайрдан қолишмайдиган мард ўғлонлар бор эди. Лекин улар орасида саҳро сирларини яхши билишда унга етадигани йўқ эди.

Рофеъ ибн Умайр Расулulloҳ алайҳис-саломнинг танланган жамоаси билан бир неча кун ҳамроҳ бўлди. Рофеъ уларнинг гўзал хулқлари, юксак хислатлари ва ажойиб сийратларидан таъсирланди. У ҳазрат Абу Бакрнинг олдига бориб, бундай деди:

– Эй яхши ҳамроҳ, эътибор билан кузатиб, шериларинг орасидан сени танладим. Менга шундай насиҳат қилгинки, уни эсга олганим заҳоти сизлардан бўлай...

Ҳазрат Абу Бакр деди:

– Беш бармоғингни ёдингда сақлай оласанми?!

– Ҳа.

– Сен уларни бирма-бир сана: биринчиси “Лâ илâҳâ иллаллоҳу ва анна Мұхаммадан абдуҳу ва Ресулуҳ”. Иккинчиси, намозни канда қилмайсан. Учинчиси, агар молинг нисобга етса, закот берасан. Тўртинчиси, Рамазон ойи рўзасини тутасан. Бешинчиси,

агар қодир бўлсанг, Байтуллоҳни ҳаж қиласан. Эслаб қолдингми?

Рофеъ:

– Ҳа, – деди ва такрорлаб берди.

Ўша кундан бошлаб “Саҳро қароқчиси” деган ном билан танилган Рофеъ ибн Умайр ўз ҳаётидаги қора саҳифани қайта очилмайдиган қилиб ёпди. Ўрнига иймон нури билан ёришган бошқа саҳифа очди.

* * *

Мусулмонлар халифаси ҳазрат Абу Бакр Сиддиқ Шом шаҳридан Румга лашкар юборди. Бу қўшин Аллоҳга ибодатни тарғиб қилиб Ҳимс шаҳригача борди.

Румликлар мусулмонлар қўшинини назарга илмаганди. Кетма-кет мағлуб бўлиб, лашкарини бутунлай бой бериш хавфи юзага келганда, талвасага тушиб, Антакия аҳлига қўшин ийға бошлади. Икки юз эллик мингдан зиёд душман лашкари мусулмонлар томон юрди.

Холид ибн Валид халифанинг буйруғига жавобан мусулмон баҳодирларидан ўн минг лашкар билан Ислом лашкарига ёрдам бериш учун Шомдан йўлга чиқди. Улар орасида Рофеъ ҳам бор эди. Холид ибн Валид қисқа муддатда лашкарни Сурияга етказиб боришидек машаққатли вазифани улдалаши керак эди.

Холид тез фурсатда мусулмонлар қўшинига бориб қўшилиш учун ким йўл кўрсата олади, деб сўради.

Шунда Рофеъ ибн Умайр:

– Сахрони кесиб чиқсак, қарабсизки, мусулмон қўшинига Шом диёри ўртасидаги Ҳимснинг орқасидан етишамиз, – деди.

Холид:

– Бизда йигирма минг киши ва улов бор. Бу сувсиз сахрода уларни қандай сероб қиламиз? – деб сўради.

Рофеъ:

– Модомики Аллоҳ биз билан экан, мен бу ишга кафилман, – деди.

Холид қўшиндаги пешқадам ва теран фикрли одамлардан маслаҳат сўради. Улар бир овоздан: “Эй амир, асло бундай ишга рози бўлманг. Чунки бу йўлни беш кечакундузда босиб ўтиб бўлмайди. Сувсиз бепоён сахродан уловли кишининг якка ўзи ўтиб олиши амримаҳол-у, катта қўшиннику қўяверинг. Бас, ўзингизни ҳам, мусулмонлар жонини ҳам ҳалокатга ташламант”, дейишиди.

Бошқа чораси қолмагани боис Холид: “Эй мусулмонлар жамоаси, ҳаргиз йўлларинг айро тушмасин, руҳингизни туширманг. Модомики, Раббиси ёрдамидан мусулмон кишининг кўнгли тўқ экан, ишнинг охри хайрdir. Қолаверса, сахро ўғлони Рофеъни билмайдиган киши йўқ. Аллоҳга қасам, бундан ўзга иложимиз ҳам йўқ. Расулуллоҳнинг халифаси амрини тезда адо этиб, биродарларимизга кўмак беришимиз керак”, деди. Сўнг Рофеъга юзланиб, ишни нимадан бошлиш кераклигини сўради:

– Эй амир, менга яқинда сув ичмаган йигирма бош семиз тую беринг, – деди.

Роса чанқатилган туялар тўйгунича суғорилди. Сўнг кавш қайтармаслиги учун оғизлари боғлаб ташланди. Ўша туялар устига кўтарганича сув юкланди. Туяларнинг қорни ҳам, усти ҳам сув билан тўлди.

Кўшин йўлга тушди. Рофеъ шахдам йўл бошлар, бирор манзилга етганларида, туялардан бир қанчасини сўяр, қорнидаги

сувини отларга ичирап, устларига ортилган сувни эса лашкар ичарди. Қўшин мўлжалдаги бешинчи қўнимга етганда сувлари тугади. Энди Рофеъ зиммасида сув топиш вазифаси бор эди...

Шундай пайтда Аллоҳ Рофеъни кўз оғриғига гирифтор этди. Унинг кўзлари шишиб, хеч нарсани кўрмай қолди. Холид унинг олдига келиб: “Шўринг қурғур, Рофеъ, энди нима қиласиз?” деди.

Шунда у: “Қаршингиздан худди иккни сийнага ўхшаш тоғ чиқмадими?” деб сўради. Холид чор-атрофга қараб, у таърифлаган тоғни кўрди ва хурсанд бўлиб кетди. Рофеъ икки тоғ ўртасида фалон сифатли бутасимон кичик авсаж дараҳтини излаб топиш кераклигини айтди. Дараҳтни топиш осон бўлмади. Қаричма-қарич излаб, зўрга топишиди. Дараҳт илдизи ковлангач, тиниқ чучук сув чиқди. Такбир ва таҳдиллар янгради. Рофеъни кучоқлаб, муборакбод этишиди. Шунда Рофеъ: “Алҳамдулиллаҳ! Аллоҳга қасам, мен бу ердан ўттиз йилдан олдин ўтганман. Ўшандан бери бу ерларга келмаган эдим”, деди.

Кутилмаганда ёрдамчи кучлар келиб, бирлашган қўшин Ярмук ғазотига киришиди. Бу ғазот туфайли Ислом янада шарафланди. Бу Ислом тарихидаги ҳал қилувчи катта жанглардан бири эди.

* * *

“Сахро қароқчиси” лақаби билан машхур бўлган Рофеъ ибн Умайр қандай қилиб “Рофеъул хайр” бўлиб қолганини билиб олдингиз. Унинг бу лақабга сазовор бўлишига камбағалларга қилган кўп яхшиликлари, муҳтоjlарга беғараз ғамхўрлиги ҳам сабаб бўлди. У жон-жаҳди билан уч масжид аҳлини қўл меҳнати, пешона тери билан топган нафақаси эвазига овқатлантиришга ҳаракат қиласарди. Ўзининг эса, битта кийими бўларди, холос. Лекин дунёга қаноат кўзи билан қаарарди. Ўша биргина кийимда масжидга чиқарди. Дунёдан зоҳидона яшаб ўтди.

*Манбалар асосида
Бобомурод ЭРАЛИ тайёрлади.*

Фақат тупрок тўйдиради...



عن ابن عباس رضي الله عنهما، سمعت النبي صلى الله عليه وسلم يقول: « لو كان لابن آدم واديان من مال لا يغنى ثالثاً ولا يملأ جوف ابن آدم إلا التراب ويتبّعه على من تاب » (رواہ البخاری)

Ибн Аббос розийаллоху анхумо ривоят қиласи: «Пайғамбаримиз соллаллоху алайҳи ва салламнинг бундай деганларини эшигдим: *“Агар одам боласининг икки водий моли бўлса, албатта, учинчиси бўлишини хоҳлайди. Одам боласининг қорнини фақат тупроқ тўйдиради. Аллоҳ таоло тавба қилганларнинг тавбасини қабул қиласи”*» (Имом Бухорий ривояти).

Нафснинг энг кучли майлидан бири мол-мулкка эгалик қилишдир. Агар бу майл ўз ҳолича ташлаб қўйилса, инсон кутурган ҳайвондек бўлиб қолади.

Пайғамбаримиз алайҳиссалом ба-лоғатли ибора орқали нафсни муолажа қилишни таълим бериб, умматлари-ни қаноат ва розиликка ундамоқдалар. Шаҳвати ғолиб келган кишига тавба эшикларини очмоқдалар.

“Агар одам боласининг икки водий моли бўлса”. Бошқа бир ривоятда *“тилладан”*, яна бирида: *“тилла ва кумушдан”*, дейилган. *“Албатта, учинчиси бўлишини хоҳлайди”*. Инсон очқўзлиги боис нафсининг ортидан бораверади. Молга ҳирс қўйиб, уни кўпайтиришга ошиқаверади. Бу ҳолатдан уни фақат ўлим олиб чиқа олади.

Аллоҳ таоло марҳамат қиласи: *“Ва Аллоҳ сенга берган нарса билан охиратни излагин, бу дунёдаги насибангни ҳам унугтма...”* (Қасос сураси, 77-оят).

Мазкур ҳадисни Ислом дини кишиларни фақирликка чақиради, бойликларини қўлга киритишдан қайтаради, деб тушунмаслик керак. Аксинча, Ислом дини яхши ҳаёт кечиришга чорлайди. Қолоқ, дангаса одамга танбех беради. Ҳадисда бундай келади: *“Юқори қўл паст қўлдан яхшироқдир”* (яъни берувчи қўл оловчи қўлдан устундир). Аллоҳ таоло марҳамат қиласи: *“Бас, намоз тугагандан сўнг Ер юзи бўйлаб тарқалинг ва Аллоҳнинг фазлидан талаб қилинг...”* (Жума сураси, 10-оят).

Ислом дини мусулмонларни дунё хоҳишлигини ўзларининг энг улуғ мақ-

садлари қилиб олишларидан қайтаради, холос. “**Ва меросни шиддат-ла ейсизлар. Ва молни кўп яхши кўрасизлар**” (*Фажр сураси, 19–20-оятлар*). Мол-дунёга ҳирс қўйиш уни ҳаром йўл билан топишга бошламаслиги керак.

Аллоҳ таоло ушбу сўзида қўйидагича баён қиласди: “**Жин ва инсонни фақат Менга ибодат қилишлари учунгина яратдим. Мен улардан ризқ хоҳламайман ва Мени овқатлантиришларини ҳам хоҳламасман. Албатта, Аллоҳ йози ризқ берувчи, қувват эгаси, шиддатлидир**” (*Зориёт сураси, 56–58-оятлар*). Бу ояти карималар инсониятни қаноат ва розиликка тарғиб этади.

“Одам боласининг қорнини фақат турпоқ тўйдиради”. Пайғамбаримиз алайҳиссалом: “**Тупроқдан яралганлар фақат турпоқ билан тўйинади**”, демоқдалар. Имом Кармоний раҳимаҳуллоҳ бундай дейди: “Бу ҳадисда инсон: “Токи оламдан ўтмагунича бу дунёга тўймайди”, дейилмоқда.

“Аллоҳ тавба қилганларнинг тавбасини қабул қиласди”. Яъни: “Молни яхши кўриш инсондаги табиий истакдир. Ким нафсиға қул бўлиб, сўнгра огоҳланса ва Раббисига қайтса, тавба қилса, ана шунда Парвардигорнинг одамларга ўзларига яраша, ҳаётий ишларига ёрдам берадиган миқдорда ризқ беришини тушуниб олади ва ризқига рози бўлиб, қаноат қиласди. Парвардигор унинг гуноҳини кечиради ва айбини яширади”. Аллоҳ таоло бундай огоҳлантиради: “**Агар Аллоҳ бандаларига ризқини кенг қилиб қўйса, албатта, улар ер юзида ҳаддан ошиб кетурлар, лекин У йози хоҳлаган ўлчов билан туширади. Албатта, У йози бандаларидан ўта хабардор ва уларни ўта кўрувчиdir**” (*Шўро сураси, 27-оят*).

Манбалар асосида Фориш тумани “Мавлонои Гиреҳкушо” жоме масжиди имом-хатиби **Илҳом ШАМСИЕВ** тайёрлади.



Бир кеча-кундузда 1440 дақиқа бор. Шу дақиқаларнинг атиги бир нечасини ўз фойдасига ишлатмаган кимса бахил ва бечорадир.

Аллоҳ таоло марҳамат қиласди: «**Мен жин ва инсонни фақат Ўзимга ибодат қилишлари учунгина яратдим**» (*Зориёт сураси, 56-оят*).

Афсуски, биз асли ибодат учун яратилганимизга қарамай, энг катта нуқсонимиз шу ибодатларни тўқис бажара олмаётганимиздадир. Аллоҳ кечирсан!

Уламолар айтадилар: “Мўмин банда икки қўрқув орасида ҳаёт кечириши лозим. Бири, ўтган умри, иккинчиси, қолган ҳаёти. Зоро, ўтган умрига Аллоҳ олдида жавобгарлиги қандай бўлади-ю, буёгига қанча умри қолгани ва бу умрида Аллоҳ таоло нималар тақдир қилишини билмайди. Шундай экан, инсон ўзининг манфаати учун ишласин, дунёда охирати учун амал қилсин, кексайишидан аввал ёшлигидан, ўлимидан олдин ҳаётидан фойдаланиб қолсин. У дунёда фақат жсаннат ва дўзах бор бўлиб, амал қилиши учун имкон қолмайди. Ҳаётидан охирати учун насиба олмай, қуруқ қўл билан ўтаётган кимса ўз ҳолига қанча йизласа – оз”.

Жисму жонимизга МАЛХАМ

Ёввойи табиатдаги жониворлардан бирортаси, масалан, кийикнинг оёғи синиб қолса, у жароҳатланган оёғини эртаю кеч ялаб тузатиб олишга шошади. Чунки жисми доимо соғлом бўлиши шарт. Акс ҳолда, ииртқичларга ем бўлиши мумкин...

Биз инсонлар эса ҳам жисмоний, ҳам руҳий соғлом бўлишимиз лозим. Мехрибон Раббимиз биз учун ҳам жисмимиз, ҳам руҳимизга дармон, малҳам бўладиган амалларни буюрган. Ислом арконларининг барчаси бандага ҳар жиҳатдан манфаатлидир. Афсус, уларни бажаришга келганда баъзан сусткашлик қиласиз.

Деҳқонлар экинларига сув оқиб келадиган ариқларни кетмонлари билан кенгчукӯр қилиб ковлаб тозалайди. Ариқлар кейинги мавсумгача секин-аста лойқа билан яна тўлиб борар, кейинги мавсум яна тозалаш бошланади... Инсон танасининг “ариқча”лари ҳам ҳар йили ана шундай тозаланиб туриши керак...

Танамиздаги томирларнинг энг ингичкалари мияда жойлашган, уларни кўз илғаши қийин. Ана шу майда томирлар ичida қонимизни юргизиб қўйган Аллоҳ нақадар буюқдир. Тасаввур қилинг, авто-

уловимизга нотоза ёқилғи солсак, унинг ишлашига қандай таъсир қиласи?.. Инсон мияси ҳам мукаммал ишлаши, ҳалол-ҳаром, гуноҳ-савобни фарқлаши учун унга тоза қон керак.

Соҳа мутахассисларининг айтишича, танамиздаги ҳамма қон тозариши учун 28–30 кун лозим бўларкан. Албатта, бунда истеъмол қиласиган озуқа, уларнинг меъёри, овқатланиш тартиби муҳимдир. Яратганинг ҳикматини қарангки, бизларга бир йилда бир ой фарз қилинган рўзада ана шу жараёнлар амалга ошади.

Миқдод ибн Маъдийкариб розийаллоҳу анху айтади: «Набий соллаллоҳу алайҳи ва саллам: **“Одам боласи тўлдирадиган идишларнинг энг ёмони қориндир. Одам боласига қаддини тутадиган емаклар кифоядир. Агар жуда лозим бўлса, таоми учун учдан бир, суви учун учдан бир ва нафаси учун учдан бир”**, дедилар» (Имом Термизий, Имом Аҳмад ва Имом Ҳоким ривояти). Бу ҳадиси шариф саломатлигимизнинг энг асосий қоидасини ўртага қўяди. Демак, еб-ичишда меъёр, исрофга йўл қўймаслик олтин қоидамиз бўлиши керак.

Рустам СУЯРОВ,
Каттакўрғон шаҳри

Ёт ғоялардан ҳимоялаш ота-онанинг вазифаси

Ота-она учун энг муҳим вазифалардан бири фарзанд тарбиясидир. Ушбу масъулиятни чуқур ҳис этган оила бошлиқлари фарзанд тарбиясига жиддий эътибор бериб, ҳар қандай шароитда ҳам жигарбанди билан шугулланишга вақт топади.

Ҳадиси шарифларда: “Чўпон ўз сурувидан сўралганидек, оила бошлиғи ҳам аҳли оиласидан ҳисобга тортилади” (Имом Бухорий ривояти); “Ота фарзандига гўзал одобдан қўра яхшироқ мерос қолдира олмайди” (Имом Термизий ривояти), дея қайта-қайта таъкидланган. Ушбу ҳадисларга амал қилиб, фарзандларини илмли, ахлоқли қилиб тарбиялаган инсон икки оламда ёруғ юзли бўлади.

Бугунги кунда ақидаси, дунёқарави ҳали шаклланиб улгурмаган ёшларимиз пуч, ялтироқ шиорларга алданиб, ўнлаб адашган оқим ва йўналишларнинг мафкуравий хуружлари таъсирига тушиб қолмоқда. Чунки бугунги ривожланган замонда диний илмни уйда туриб, интернет орқали ҳам ўрганиб олиш мумкин, бунга устознинг ҳожати йўқ, деб ўйлайдиганлар йўқ эмас. Ҳолбуки, нафақат интернетдаги турли шубҳали манбаларнинг, ҳатто саҳиҳ китобни ҳам ўзича ўқиб, талқин қилиш ҳақиқий илм олиш учун, чинакам исломий тушунчага эга бўлиш учун етарли эмас. Албатта, муаллим бўлиши шарт.

Эътиқодни тўғри шакллантириш, жамиятнинг асосий кучи бўлган ёшларни бузғунчи ғоялардан ҳимоя қилиш доимо долзарб вазифалардан бўлиб келган. Бунда ота-оналар асосий ўрин тутади. Афус, ҳозир айрим ота-оналар фарзанд тарбиясига бепарво. Дунё ишларига шўнғиб кетганидан оила аъзоларининг маънавияти,

ахлоқи ва тарбияси улар учун кейинги даражага тушиб қолган.

Тарихга назар солинса, кун тартибида, аввало, фарзандлар тарбияси турганини кўриш мумкин. Чунки миллатнинг тараққий этиши ёки заволи авлодлар таълим-тарбияси билан чамбарчас боғлиқ. Агар ёш авлодга тўғри тарбия берилса, келажак пойдевори мустаҳкам бўлади, аксинча бўлса, уммат ҳам, миллат ҳам залолатга юз тутади.



Шундай экан, ҳар биримиз оиласидан, фарзандларимиздан огоҳ бўлиб, уларнинг кундалик юриш-туриши, қизиқишлари, машғулотлари билан жиддий қизиқайлик. Йўқса, бунинг бадали бу оламда ҳам, охиратда ҳам оғир бўлади.

**Назиржон Қўчқоров,
Наманган туманидаги
“Умарбой ҳожи” жоме масжиди
имом-хатиби**

Жадидларниң хизматлари

Миллат маънавиятини ислоҳ этиш, одамларни маърифатли қилиш, оламга очиқ назар билан боқишига ўргатиш ва мудроқ тафаккурни уйғотишнинг энг асосий омили сифатида жадидлар матбуотнинг қадрини баланд кўттарди. Улар наздида матбуот – фикрлар тилмочи, миллат ва эл-юрт ривожи йўлида хизматчи, одамлар онгу шуурининг қуёши, барчанинг вижданига тутилган кўзгу бўлмоғи лозим эди.

“Улфат” кўнгиллар бирлигидан сўз очиши, “Садо”лар маърифат, маънавият ва адабиётнинг овози бўлиши керак эди. Газета ва журналлар номи шу эзгу ниятларга мослаб танланди. Туркистонлик зиёлилар ўзлари газета чиқаргунга қадар бир муддат Қrimга – Бохчасаройга, Исмоилбек Гаспринскийнинг “Тилда, фикрда, ишда бирлик” деган ғояларига ҳавасланиб қарашди. Жадидлар шу алломанинг “Таржимон” (1883–1914) газетасини ўқиб, унинг муҳлиси ва муҳибига айланди.

Газетанинг йўли, маслаги ва мақсади аниқ эди:

“Таржимон” – ҳар турли иш, аҳвол ва ихтилофга “ҳаққоният” ва “мумкиният” жиҳатидан боқажакдир. “Таржимон” тавҳиди лисон, тавҳиди афкор ва маорифи миллия масалаларидаги ғайрати доимийда бўлажакдир. “Таржимон” – ҳар на сўйлар ва ёзар бўлса, бу кунда миллатнинг англами, идрок ва қабул этиши суръатида арз ва баён этажакдир.



Гарчанд “Таржимон”нинг Туркистонда ўқувчилари кўп бўлса ҳам, илк босқичда туркистонлик ёзувчилар жуда кам – онда-сонда иштирок этишиди. Бироқ XX асрнинг ўнинчи йилларидан бошлаб Махмудхўжа Беҳбудий (Самарқанд), Охунд мулла Мавдуд Оҳимов (Тошканд), Мирхусайн Мирраҳимов (Кўқон), Абдуқодир Шакурий (Самарқанд), Ҳожи Муин (Самарқанд), Қози Зиёуддин Маҳмуд ибн Домла ва мударрис Файзраҳмат (Бухоро) кабилар қатнаша бошлади. Муаллифлар баъзан мақола-хабар ёзишса, айрим ҳолларда “Таржимон”дан ўзларининг энг муҳим саволларига жавоб олиш ниятида мактублар йўллади.

Абдулҳамид Чўлпон 1913 йили Исмоил Гаспринскийга ёзган мактубида “Шалола”, “Турк юрди”, “Шаҳбал”, “Таржимон”, “Вақт” ва “Иқбол” каби жадид қардошларнинг газета-журналларини ёдга олади, уларни ўқиб бораётганини айтади. Хуллас, туркистонликлар “Таржимон”дан бир неча йил сабоқ олди. Сўнг 1906 йил 27 июнда Исмоил Обидов муҳаррирлигида биринчи ўзбек газетаси – “Тараққий” нашрдан чиқди.

Туркистондаги бу янгиликни ҳам биринчи бўлиб “Таржимон” табриклади. “Туркистоннинг бундай тараққийпарвар бир газетага кўпдан бери эҳтиёжи бор эди”, деб ёзди. Бироқ “жадидларнинг энг суюкли ва тўнгич газетаси”нинг умри қисқа бўлди.

Йигирма сони чиққандан кейин чор хукумати томонидан ёпиб қўйилди ва муҳаррири қамоқقا олинди. Шундан кейин Мунаввар Қорининг “Хуршид” (1906 йил сентябрь), Абдулла Авлонийнинг “Шухрат” (1907 йил декабрь) газеталари нашр этилди. Бироқ бу газеталар фаолияти ҳам узоққа чўзилмади. “Таржимон” (1907 йил, 14-сон) бу хусусда ҳам ёзди: «Матбуотимизда таассуф бўлган бир ҳол бордир: бу Тошкандда чиққан “Тараққий” ва “Хуршид” дўстларимизнинг тақиқланиши. Ўрта Осиё учун расмий бўлган “Туркистон газети” етарли эмас».

Ўз ғоялари, маслаклари тарғиби учун нақадар фойдали эканини чуқур англаган жадидлар газетачилик жабҳасида харакатдан тўхтамади. “Тужкор”, “Осиё”, “Самарқанд”, “Садои Туркистон”, “Садои Фарғона”, “Тирик сўз” каби газеталар ёнида Маҳмудхўжа Беҳбудийнинг “Ойина” журнали пайдо бўлди. 1913–1915 йилларда 68 сони босилди...

Жадид зиёлилари учун эски усулдаги мактабларни ислоҳ этиш, бадиий адабиётни янги ўзанга солиш, театр саҳнасини ибратхонага айлантириш нақадар муҳим бўлса, ўша даврда миллий матбуот ташкили ва тараққийси ҳам шунчалик аҳамиятли эди. Жадидлар замонида матбуотдаги ҳақ сўзнинг кундалик ҳаётга, одамларга, жамиятга таъсири кучли бўлган. Вақтли матбуот одамларнинг ижтимоий ҳаётида муҳим ўрин туттган. Шу нуқтаи назардан, улуғ миллатпарварларимиз жонларини хатарга қўйиб бўлса-да, ўз диндош, миллатдошларини илмли, оқ-қорани танийдиган қилиш йўлидаги интилишлари таҳсинга сазовордир.

Бадиҳон БАРАТОВ,
Чироқчи тумани “Уймовут ота”
жоме масжиди имом-хатиби

Иккинчи умр

Бир солиҳ инсон бу дунёдан ўтса, унинг қилган яхшиликлари кишилар ёдида умрбод қолади. Ҳар доим уни ширин сўзлар билан хотирлашади. Ана шундай халқпарвар, саховатли кишилардан бири марҳаматлик Зокиржон Исмоиловдир.

Бу инсон оламдан ўтганига ҳали кўп вақт бўлмаган эса-да, дўстлари, яқинлари, маҳалла-кўй уни ёдидан чиқаргани йўқ. Чунки Зокиржон эл хизматида бўлиб, кўплаб кишиларга нафи теккан. Айниқса, “Ўнг қўлинг берганини чап қўлинг билмасин” нақлига қаттиқ амал қилар, бирор кишининг бошига ғам тушса, кўмак беришга одатланган эди.

Бир куни ночоррок биродаримизнинг отаси вафот этди. Шунда таъзияга келган Зокиржон марҳумнинг ҳақига дую фотиха қилиб, мусибат эгасини четга тортиб, қўлига бир нима тутқазди. Кейин билсак, анчагина пул ташлаб кетган экан. Бир дўстимиз анча дард тортиб, ётиб қолди. Зокиржон бундан хабар топиб, уни шифохонага ётқизиб даволатди, оёққа турғазди.

Сахий дўстимиз назидиа яхшиликнинг катта-кичики йўқ эди. Бир куни маҳалласидаги зиёли собиқ ўқитувчи акамиз у билан сухбатда: “Яхши бир китоб чиқибди, шу китобни харид қилишга имконим бўлмаяпти”, деб қолди. Бир муддатдан сўнг Зокиржон муаллим айтган китобни олиб келиб берди.

Унинг бундай хайрли ишлари маҳалла-кўй орасида кўп бор эътироф этилган. Бугун сахий дўстимизнинг эзгу ишларини тўрт фарзанди давом эттиromoқда. Улар ҳам отаси каби элу юрт хизматида. Муҳаммад Бобурнинг “Шараф билан ёдланмоқлик – иккинчи умрдур”, дея айтган сўзлари ёдга тушади.

Равшанбек АСРОНОВ,
Марҳамат тумани

*Ассалому алайкум ва
раҳматуллоҳи ва
баракотуҳ.*

СҮРАГАН

ЭДИНГИЗ...



САВОЛ: *Отам кексалиги туфайли узр соҳиби бўлиб қолган (бавли томчилаб туради). Умрага боргандা, қандай тавоф қиласди?*

ЖАВОБ: Тавоф қилишда таҳоратли бўлиш тавофонинг војибларидан биридир. “Тавофонинг војиблари еттига. Катта (жунуб, ҳайз ва нифос) ва кичик бетаҳоратликдан пок бўлиш ана шу војиблардандир (“Лубобул маносик”).

Соҳиби узр ҳар намоз вақти учун таҳорат олади. Намоз вақти ўтиши билан таҳорати синади. Соҳиби узр фарз намоз вақтида тавофи башлаб тугатиши керак.

САВОЛ: *Витр намозини адо этиб, ухлаб тунда туриб таҳажжудни ўқисам, витрни яна қайта ўқийманми?*

ЖАВОБ: Йўқ. Витр намози фақат бир марта хуфтон намозидан сўнг адо этилади.

САВОЛ: *Менинг 4 нафар ўғлим бор, қизим йўқ. Қиз фарзанд отасига дўзахдан парда бўлади. Қизи йўқ, фақат ўғли борлар ҳам шундай мақомдан умид қиласа бўладими ёки бу гаплар фақат қизи борларга айтилганми?*

ЖАВОБ: Ҳадиси шарифдаги башорат қизлар ва опа-сингилларнинг қадрини кўтариш, эркаклар ҳимояси ва қарамонига бўлгани учун уларга алоҳида эътибор қаратиш, қиз туғилса, хафа бўлиш ҳолатларини бартараф этиш маъноларида келган.

Фарзанд қизми, ўғилми, Аллоҳ таоло берган неъматдир. Ота-онанинг бурчи улар-

га тўғри тарбия бериш, дин-диёнатли, илм-маърифатли ва гўзал одобли қилиб тарбиялашдир. Фарзандлари, қиз ва ўғиллари иймонли солиҳ ва солиҳа бўлган ота-она улар туфайли ажр-савобга ноил бўлади.

Дўзахдан парда бўлиш башорати ба-логатга етмаган фарзанди вафот этса, мусибатга сабр қилганлар учундир.

САВОЛ: *Аср ва шом орасида қазо намозларни ўқиши жоизми?*

ЖАВОБ: Аср ва шом намозлари орасида қазо намозларни ўқиши жоиз. Бу ҳақда “Хошиятут Таҳтовий” китобида бундай дейилади: “Намоз ўқищдан қайтарилган уч вақтдан бошқа ҳамма пайтлар қазонинг вақтидир”.

Намоз ўқищдан қайтарилган уч вақт: қуёш чиқаётган, қиёмга келган ва қуёш ботаётган вақтлардир.

Лекин барча фикҳий китобларимизда аср намозини адо қилган киши шом намозига қадар нафл намоз ўқиши макуруҳлиги айтилган. Бу ҳақда Пайғамбаримиз соллаллоҳу алайҳи ва саллам бундай деганлар: “Бомдоддан сўнг то қуёш чиққунча ва асрдан сўнг то қуёш ботгунча (нафл) намоз йўқдир” (Имом Бухорий ривояти).

САВОЛ: *Атрофимизда масофаси деярли бир хил бўлган уч масjid бор. Учаласида ҳам навбати билан беш маҳал намозга аzon янграйди. Биринчи аzon тугагач, вақти кирган намозни ўқисак бўладими ёки учаласининг азони тугашини кутиши керакми?*

ЖАВОБ:

Азон намознинг вақти кирганини эълон қилувчи ва намозхонларни жамоатга чорловчи Ислом шиоридир. Намоз вақти кирганини билишингизга биргина масжиднинг азони кифоядир.

САВОЛ:

Мен қассоблик билан шугуллана-ман. Динимизда бўғоз ҳайвонни сўйиши ёки сўй-маслик борасида нималар дейилган?

ЖАВОБ:

“Туғиши яқинлашиб қолган қўйни сўйиш макруҳдир. Чунки бунда унинг қорнидаги боласини зое қилиш бор” (“Баҳрур роиқ”), (“Фатавойи ҳиндия”).

“Агар ҳайвонни бўғоз ёки бўғоз эмаслиги аниқ бўлмаса, у сўйилгач, қорнида боласи борлиги билинса, уни сўйиган ва сўйдирган инсонлар гуноҳкор бўлмайди” (“Фатовои Қосимија”).

САВОЛ:

Масжидларда намоз ўқилгач, на-мозхонлар жойларини ўзгартиришиади. Шундай қилиши мажбурий амалми?

ЖАВОБ:

Намозхон фарз намозини ўқиб бўлгач, ўнг, чап, олд ёки орқа тарафга ўтиб, қолган намозларни ўқиши мустаҳабдир, яъни мажбурий эмас (“Раддул муҳтор”).

САВОЛ:

Пешин намозининг вақти 13:00 да деб белгиланган. Ушибу намозни 12:50 ёки 12:55 ўқисак бўладими?

ЖАВОБ:

Пешин намозининг вақти 13:00 деб белгилангани масжидларда жамоатга қулай бўлиши учундир. Аслида пешин вақти күёш тик бўлган ҳолати – қиёмдан оғиши билан киради. Күёшнинг оғгани соянинг кунчиқар тарафга қиялай бошлиши билан билинади.

САВОЛ:

Ҳаром бўлган маҳсулотларга тек-кан қошиқ ёки идишларни сувда бир-икки ювиб ташлаб, ишилатса бўлаверадими?

ЖАВОБ:

Қошиқ ва бошқа идишлар агар сирланган, ўзига сув шиммайдиган бўлса, уларни уч марта ювиш билан покланади. Ҳар ювандада томчий томмай қолгунча қуритилади.

Иbn Обидин раҳимаҳуллоҳ бундай дейди: “Сиқиб бўлмайдиган нарсалар нажосатни ўзига шимиб олмаган бўлса, уни уч марта ювиш билан пок бўлади. Ҳатто кетма-кет қуритмасдан ювилса ҳам, пок бўлади. Кўзгу каби (силлиқ, ялтироқ сув шиммайдиган нарса)ларнинг хукми ҳам шундай”.

Ўзбекистон мусулмонлари идораси
Фатво маркази (78) 150-33-44

Саховат ва ҳиммат

Саховат инсоният боғининг борвар шажаридур, балки ул шажарнинг муфид самаридур. Одамийлик кишварининг баҳри мавжвари, балки ул мавж баҳрининг самин гавҳари. Саховатсиз киши – ёғинсиз абри баҳор. Мевасиз йиғоч ҳамону ўтун ҳамон ва ёғинсиз булут ҳамону тутун ҳамон. Сахосиз киши бирла гавҳарсиз садафнинг бир ҳукми бор. Дурсиз садаф била ўлуб қуруғон не эътибор.

Сахий булатдур – иши хирмон, балки маҳзан бермак. Ҳиммат аҳлиғадур саховат ихтисоси ва бу икки шариф сифат валоят хоси. Саховат одамиға бадандур ва ҳиммат анга рух ва ҳиммат аҳлидин оламда юз минг футух. Ҳимматсиз киши эр сонида эмас, руҳсиз баданни киши тирик демас. Соҳиби ҳикмат муфлислик била паст бўлмас, ҳимматсиз ганж топса, бийикларга ҳамдаст бўлмас. Чинор илги холилиғидин бийиклигига не нуқсон ва туфрокқа ниҳон ганжлари била не улви шон. Ҳиммат аҳлиға агарчи бийик кавкабдур, аммо саховатға неча мартабадур, Исроф сахо эмас ва итлоғни маъно аҳли сахо демас. Мубоҳот учун бермак худнамолик ва анинг била ўзин сахий демак беҳаёлиқ. Улки эл кўрмагунча бермас – лаимдур, сахий эмас. Тилаб берганни ҳам саходин йироқ бил; ибрам била бергандин бермаганни яхшироқ бил. Бирта ўтмакни икки бўлуб, ярмин бир очға берганни сахий де; ўзи емай барин муҳтожга берганни ахий де.

Алишер НАВОЙЙинг
«Маҳбуб ул-қулуб» асаридан.

Басмала – алоҳида оят

Уламолар Намл сурасининг 30-оятида келган: «Албатта, у Сулаймондандир ва у: “Меҳрибон ва Раҳмли Аллоҳ номи билан (бошлайман)дир», яъни “Бисмиллаҳир Роҳманир Роҳим” оянинг бир қисми эканига ижмо қилишган. Лекин Фотиҳа ва ҳар бир суранинг аввалида келган басмала ҳам алоҳида оят ёки оят эмаслиги борасида ихтилоф қилишган.

Имом Шофеъий: “Басмала Фотиҳа ва ҳар бир суранинг аввалида бир оятдир”, деган. Имом Молик: “Басмала Фотиҳа ва ҳар бир суранинг аввалида бир оят эмас”, деган. Имом Абу Ҳанифа эса: “У (басмала) сураларнинг ўртасини ажратиш учун нозил қилингандан Қуръондан бир оят”, деганлар.


Шофеъийлар сўзларига қуйидаги ҳадисларни далил қилишади.

Абу Ҳурайра розияллоҳу анху Набий соллаллоҳу алайҳи ва салламдан ривоят қиласи: «У зот соллаллоҳу алайҳи ва саллам: “Агар Фотиҳа сурасини ўқисангиз, (басмала)ни ўқинглар, чунки у “Уммул Қуръон”, “Уммул Китоб” ва “Сабъул масоний” (икки марта тушган етти оят)дир ҳамда (басмала) унинг оятларининг биридир”, дедилар» (Имом Байҳақий ва Имом Дорақутний ривояти).

Ибн Аббос розияллоҳу анхудан келтирилган ҳадис: «Расулуллоҳ соллаллоҳу алайҳи ва саллам намозни “Бисмиллаҳир Роҳманир Роҳийм” билан бошлар эдилар».

Моликийлар басмала Фотиҳадан ҳам, Қуръон сураларидан ҳам эмас, балки у табаррукан ворид бўлган, дейишади.

Уларнинг далили бундай: Ойша онамиз: «Расулуллоҳ соллаллоҳу



алайҳи ва саллам намозни такбир ва қироат “Алҳамду...” билан бошлар эдилар», деди.

“Саҳиҳайн”да Анас розияллоҳу анхудан келтирилган ҳадис. У (Анас): «Набий соллаллоҳу алайҳи ва саллам, Абу Бакр, Умар, Усмон розияллоҳу анхум ортларидан намоз ўқидим, улар намозни “Алҳамдулилаҳи роббил Ҷаламийн...” билан бошлар эдилар», деди. Имом Муслим ривоятида: «Улар “Бисмиллаҳир Роҳманир Роҳим”ни қироатининг аввалида ҳам ва охирида ҳам зикр қилмади», дейилади.

Басмала Фотиҳадан бир оят эмаслигига Абу Ҳурайра розияллоҳу анхудан келтирилган ҳадис далилдир. Бу ҳадиси қудсийдир: «Расулуллоҳ соллаллоҳу алайҳи ва салламдан эшитдим. У зот: “Аллоҳ азза ва жалла: “Намозни (Фотиҳа сурасини) Ўзим ва бандам ўртасида иккига бўлдим”. Агар банда: “Алҳамдулилаҳи роббил Ҷаламийн – Барча мақтов оламларнинг тарбиячиси Аллоҳга бўлсин” деса, Аллоҳ таоло: “Бандам мени мақтади” дейди...” дея Фотиҳа сурасининг оятларини бир-бир айтиб ўтдилар. Агар басмала Фотиҳадан бир оят бўлганида эди, албатта, у ҳадиси қудсийда зикр қилинган бўлар эди».

Моликийлар ўз сўзларини яна бундай исботлашади: «Агар басмала Фотиҳадан бўлса, Аллоҳнинг: “Роҳманир Роҳийм” сифати икки марта такрор бўлиб қолади. Бу Қуръоннинг фасоҳатига зиддир.

Ибнул Арабий айтади: Саҳиҳ хабарлар басмала Фотиҳа сурасидан ҳам, бошқа барча суралар аввалидан ҳам бир оят эмаслигига далолат қиласи».

Ҳанафийларнинг хужжатлари: “Басмаланинг Мусҳафда ёзилиши у Қуръондан эканига далолат қиласи, лекин у ҳар бир суранинг биринчи ояти эканига далолат қилмайди. Намозда у (басмалани) Фотиҳа сураси билан бирга жаҳрий ўқилмаслиги ҳам шунга далолат қиласи. Намл сураси бундан мустасно”.


Саҳобалар: «Бисмиллаҳир Роҳманир Роҳийм» нозил бўлмагунича биз сураларнинг қаерда бошланиб,

қаерда тугашини билмас эдик», дейишган. Шунингдек, Ибн Аббос розийаллоҳу анхумодан ривоят қилинганд ҳадисда: «Расулуллоҳ соллаллоҳу алайҳи ва салламга “Бисмиллаҳир Роҳманир Роҳийм” нозил бўлмагунича у зот сураларнинг ўртасини ажратишни билмас эдилар», дейилган.

Расулуллоҳ соллаллоҳу алайҳи ва саллам: *“Куръонда ўттиз оятли бир сура борки, соҳиби кечирилмагунча Аллоҳдан унинг ҳақига шафоат сўраб туради. У Мулк сурасидир”*, дедилар. Қорилар у сура басмаладан ташқари ўттиз оят эканига иттифоқ қилишган. Агар басмала ундан бўлганида у ўттиз бир оят бўлар, бу эса Набий алайҳиссаломнинг сўзларига хилоф бўлиб қоларди. Миср қорилари ва фақиҳлар бунга қўшича қилиб Кавсар сураси уч оят, Ихлос сураси тўрт оят эканига иттифоқ қиласди. Агар у (басмала) улардан бўлса, суралардаги ояtlар сони улар санаганидан кўпроқ бўларди.

Мазҳаб имомлари далил сифатида келтирган ҳужжатларни кўриб чиққандан кейин бундай хulosса қилиш мумкин: ҳанафий мазҳаби олимлари билдирган фикр ва ҳужжатлар бошқаларидан қувватлироқ. Басмала Мусҳафда борлиги ва буни бирор киши инкор қилмасдан, мутавотирлигини, саҳобалар Мусҳафга Куръоний бўлмаган бирон нарса қўшмаганини биламиз. Бу эса, Басмала Қуръон ояtlаридан эканига далилдир. Лекин бу ҳар бир сурадан бир оят ёки Фотихадан бир оят эканига далолат қилмайди. Шундай экан, басмала Қуръондан. Ворид бўлган ҳужжатлар ўртасини жамлайдиган хulosса ҳам шу. Валлоҳу аълам.

Абдурасул АБДУЛЛАЕВ,
Ўзбекистон ҳалқаро ислом
академияси докторантни



Рамазонда бўлган

МУҲИМ ВОҚЕАЛАР

Рамазоннинг биринчи куни:

– Иброҳим алайҳиссаломга саҳифалар туширилди; милодий 624 йили 26 февралда (хижрий 2 йил) мусулмонлар илк бор Рамазон рўзасини тута бошлишди; милодий 641 йили 13 августда (хижрий 20 йил) Миср фатҳ этилди.

Рамазоннинг иккинчи куни:

– хижрий 82 йили Рамазон ойининг иккинчи куни Мағрибул Асват (Марокаш) фатҳ бўлди; милодий 750 йил 13 апрелда (хижрий 132 йил) Абдуллоҳ Абул Аббос Дамашқни эгаллади, умавийлар ҳукмронлиги тутатилиб, аббосийлар давлати қурилди.

Рамазоннинг учинчи куни:

– милодий 632 йил 21 ноябрда (хижрий 11 йил) Пайғамбар алайҳиссалом қизлари Фотимаи-Захро розийаллоҳу анҳо вафот этди.

Рамазоннинг еттинчи куни:

– милодий 971 йил 22 майда (хижрий 361 йил 7-Рамазон) Мисрнинг Қоҳира шаҳрида Ислом оламидаги энг йирик ўқув даргоҳларидан «Ал-Азҳар» жомеига асос солинди.

Рамазоннинг саккизинчи куни:

– милодий 630 йил 18 декабрда (хижрий 9 йил) Табук ғазоти бошланди.

Рамазоннинг тўққизинчи куни:

– милодий 712 йил 18 июнда (хижрий 93 йил) Андалусия фатҳи бошланди.

Рамазоннинг ўнинчи куни:

– милодий 620 йили мўминлар онаси Хадичаи Кубро вафот этди.

Рамазоннинг ўн иккинчи куни:

– милодий 879 йил 7 майда (хижрий 265 йил) Қоҳирадаги машхур Ибн Тулун жоме масжиди қуриб битказилди.

Ислом Ва олам

Сайёхлар оқими күпаядими?

Москва мэрияси ислом мамлакатларидан сайёхлар оқимини күпайтиришга қаратилған чора-тадбирларни ишлаб чыкди.



Бу ҳақда туризм күмитаси раҳбари Юлия Сюндюкова маълум қилған. Унинг сўзларига кўра, мусулмон сайёхларни жалб қилиш мақсадида турли мамлакатларда тақдимотлар ўтказилган.

“Муайян манзилга саёҳат қилаётган мусулмонлар ҳалол озиқ-овқат мавжудлигига эътибор қартишиади. Шу боис бу борада барча жойларда ишлар олиб борилмоқда. Мехмонхоналарда жойнамоз ва диний адабиётлар билан таъминланмоқда”, деди Сюндюкова.


Шайх Зайд масжиди

Индонезияда Абу Дабидаги машҳур Шайх Зайд масжидининг кичик нусхаси қуриб битказилди.



Президенти Шайх Зайд бин Султон Наҳаён номини олади.

Дин ишлари вазирлиги вакили Акмал Салим Рұханнинг сўзларига кўра, масжид қурилиши якуний боскичда бўлиб, у Рамазон ойи арафасида очилди. Хабар қилинишича, масжид 10 000 намозхонни сифдира олади.



Таҳсинга лойик хайрия ишлар

Лондонда жойлашган “Ayaan Institute” тадқиқот ташкилоти Британияда истиқомат қилувчи мусулмонлар хайрия ишларида бошқалардан кўра саховатлироқ эканини эълон қилди.

Маълумотларга кўра, британиялик мусулмонлар йилига 1 миллиард фунт стерлинг хайрия қиласидилар.

2050 йилга бориб мусулмонлар жамияти хайриялари микдори йилига тахминан 4 миллиард фунт стерлингга етиши мумкинлиги тахмин килинмоқда. Бу ҳақда IQNA нашри хабар берди.

Янги аудиотизим

Масжидул Ҳаромда сўнгги технологиялар асосида янги аудиотизим ишга туширилди.

Уни созлаш ва ўрнатиш ишларида 120 нафардан ортиқ овоз мухандислари иштирок этди. Зиёратчиларга аzon садоси ва жамоат намози овозини етказиш учун 7000 дан ортиқ карнай ўрнатилди. Овоз тизимини мувофиқлаштириш учун Масжидул Ҳаром худудида иккита пульт бошқаруви хонаси ва яна бир захира тизими мавжуд.

Мазкур техник янгиликлар Масжидул Ҳаром ва унга туташ худудларни кенгайтириш бўйича кенг кўламли лойиха доирасида амалга оширилмоқда.

300 минг нусха Мусхаб тухфа этилди

Саудия Арабистонининг Ислом, даъват ва иршод ишлари вазирлиги Мавританияда ҳар йили ўтказиладиган Куръон ва Суннати набавия ташловининг барча иштирокчиларирига 300 000 га яқин Куръон нусхаси тарқатилишини эълон қилди.



Мазкур мусобақа Саудия

Арабистони Ислом, даъват ва иршод ишлари вазирлиги ҳамда Мавритания Ислом ва таълимтарбия ишлари вазирлиги, Куръони каримни ёдлатиш хайрия марказлари ҳамкорлигига ўтказиб келинмоқда.

Ўн минг доллар хайрия

Туркия жумхурияти бир неча йиллардан бўён Африкадаги мусулмон мамлакатларида мактаблар бунёд этиб, болаларнинг таълим олишига кўмаклашиб келаётган эди.

Яқинда Туркияда содир бўлган кучли зилзила угандалик мактаб ўкувчиларини ҳам ташвишлантириди ва улар миннатдорлик сифатида хайрия тадбирларини ташкил этди.

Бошланғич мактаби директори Булянку Жамил Вамбининг айтишича, мактаб ўкувчилари танаффусда тамадди қилиш учун мўлжалланган пулларини ихлос билан хайрия қилишган. Ўкувчилар тўплаган маблағларнинг умумий микдори 10 минг доллардан ошди, дея хабар беради Anadolu агентлиги.

Бамбук масжидлари

Покистонлик меъмор Ясмин Лари Саудия Арабистонидаги Ислом санъати биенналеси ҳакамлар ҳайъатини бамбукли кичик масжидлари билан ҳайратда колдири.

Ясмин Лари бамбуқдан 3 та кичик масжид ясаган ва бу тузилмаларни осонгина йиғиши ва демонтаж қилиш, шунингдек, бошқа жойга кўчириш мумкин. Кўчма бамбук масжидлари тоғаси кўпинча йирик қурилиш майдончаларида пайдо бўладиган муаммони ҳал этди. Чунки аксарият қурувчилар иш жараёнида намоз ўқишида турли нокулайликларга дуч келарди.

Ларининг таъкидлашича, бамбукли масжидлар қайта-қайта кўлланиши мумкин.

“Бамбук масжидларида ҳеч қандай ташки бе-заклар йўқ. Тузилиши оддий”, дея изоҳ берди меъмор.

Ушбу 300 000 дона Куръон Мадинадаги Қирол Фаҳд мажмуаси томонидан чоп этилган.

Китобларнинг маълум қисми шу йилнинг 10 март куни якунланган Куръони карим ва Суннати набавия мусобақаси иштирокчиларирига тақдим қилинди.

Китобларининг қолган қисми эса Мавританиядаги Куръони каримни ёдлатиш бўйича фаолият олиб борувчи хайрия марказлари ва жамиятларида таҳсил олаётган талабаларга хадя этилади.


Набий алайҳиссалом кирган бозор

Саудиялик олимлар жамоаси Арабистон ярим оролидаги Исломнинг ilk даврида савдо майдони бўлиб хизмат қилган энг йирик қадимий бозор ҳаробаларини топишиди.

Олимларнинг таъкидлашича, Ҳабаш бозори мавсумий савдо маркази бўлиб, у Ражаб ойининг биринчи кунида бошланган ва саккиз кун давом этган. Бозор эрамизнинг 813 йилигача ишлаган.

Қирол Абдулазиз номидаги Тадқиқот ва архив фонди Бош котиби Фаҳд Самарийнинг сўзларига кўра, ҳозирда Ҳабаш бозори ҳақидаги маълумотларни тарихий манбалардан излаш бўйича ишлар олиб борилмоқда.

Экспедиция аъзоси Абдуллоҳ Захранийнинг сўзларига кўра, олимлар 40 йил давомида унинг жойлашган жойини аниқлашга ҳаракат қилишган ва энди муваффақиятга эришди. Бунинг учун улар архивларни титкилаб, ўша даврдаги карвон йўлларини тиклашлари ва кейин ўзлари шу йўллар бўйлаб боришлари керак эди.



Тарихчиларнинг фикрига кўра, Ҳабаш бозори Пайғамбаримиз Муҳаммад алайҳиссаломнинг таржимаи ҳолларида қайд этилган, у зот бу ерда ваҳий келмасдан илгари савдо қилганлар.

Интернет маълумотлари асосида
тайёрланди.



“Шифоул илал” рисоласи

Алихонтўра Соғуний тиббиётга оид “Шифоул илал” (“Дардлар давоси”) рисоласини асирилик йилларида Шарқий Туркистонда Хитой ҳарбийларидан қочиб юрган вақтда, жон сақлаш учун яширинган Кунас ноҳиясидаги қишлоқда ёзиб тугатган.

Бу ҳақда олимнинг ўғли Асилхонтўра бундай дейди: “Шифоул илал” рисоласини 1937 йили июнь ойларида отамиз Алихонтўра Соғуний Шарқий Туркистоннинг Фулжа шаҳрида золимлардан қочиб, Кунас тоғларида Тойошув, Қўйошув деган ерларда кирғиз биродарлари орасида ёзганлар».

Муаллиф ушбу рисолани тиббиёт соҳасида тўплаган ўттиз йиллик тажрибасига таяниб ёзган. “Туркистон қайғуси” асарида “Шифоул илал”нинг ёзилиш сабаблари қуидагича келтирилган: «Вақтлик бўлса ҳам, шу фурсатдан фойдаланиб, табобат хизматида ишлаган кунларимдан бошлаб, тўплаган тажрибаларимга асосан, “умримнинг охирида ҳалқ учун, бўлиб ҳам ўз авладим учун хотира бўлиб қолармикин”, деган умид билан аниқ туркий тилда бир китоб ёзиб, номини “Шифоул илал” қўйдим»¹.

Ушбу рисола дастлаб “Шарқ юлдузи” журналининг 1996 йил 6-сонида олимнинг ўғли Асилхонтўра томонидан нашр этилган. Ношир рисоланинг кириш қисмида “Сўзбоши” ва “Муножот” бериб ўтган. Кеийинги қисмларда бевосита муаллифнинг фикрлари ўрин олган. Ушбу рисолага Шамил Алмазбеков томонидан ҳам шарҳ ёзилган бўлиб, у муаллифнинг “Беназир устоз ёхуд Алихонтўра Соғуний тиббий меросига бир назар” номли хотира асарининг таркибий

қисми сифатида “Шифоул илал” рисоласи шарҳи” сарлавҳаси остида берилган.

Алихонтўра Соғуний ҳар доим бирор масалани ўртага қўйса, албатта, уни дин билан қиёслашга, ечимни ундан топишга одатланган. Бу ҳолатни “Шифоул илал”да ҳам кузатиш мумкин. Масалан, ушбу рисоланинг дастлабки қисмида илм икки турли бўлишини, яъни дин илми ва тан ил-

мидан иборат эканини, диний илмларни билмаслик инсоннинг иймонига салбий таъсир кўрсатиб, охиратига зарар бўлиши мумкинлигини, тан илмини билмаслик эса турмуш-тирикчиликро ҳозати бузилишига олиб келишини таъкидлаган. Олимнинг фикрича, “тиб илмини билмак дин илмини билмак каби ҳар бир мусулмонга фарз”dir. Олим бу фикрни “агар бир шаҳарда иймон, Ислом-мусулмончиликни биладиган, уни ўқитиб-ўргатадиган уламо (олимлар) бўлмаса, шариатга кўра, бундай шаҳарда мусулмон кишининг туриши дуруст эмас”, деган ҳукмга қиёсан берган. Яъни унга кўра, “бир шаҳарда иссиқ, совуқни айириб, оғриқ, касални ажратиб турадиган ҳукамо (табиблар) бўлмаса, у ерда қолиш ҳам дуруст эмас”. Ушбу қиёснинг аҳамиятини “ҳар бир касбда агар киши хото қиласа, зарари молга етар, агар тиб илмидан хото қиласа, жонга етар”² жумлалари билан изоҳлаш мумкин.

“Шифоул илал”га киритилган асосий масалалар Или, Фулжа, Туркистон, Фарғона мусулмонлари орасида кўп тарқалган “иллат-касалликлар” ва уларнинг “шифо-даволари” ҳақида бўлиб, булар олимнинг 25–30 йил давомида “шу илм ичидан хизмат қилиб, кўзи билан кўрган, кўли билан ушлаб тажриба қилган”ларига асосланади. Булар қуидагилардан иборат: ҳуқна қилиш, сарсом иллати, зотилжам, истисқо, хафақон иллати, курсоқ оғриқ, ҳабтанакорни ясаш, юрак буруғи, йўтал, диққинафаслик, мафосил, сийдик тутулғони, сўззнак, хайза касаллиги, бувосил, қулинч, яъни сўқир ичак оғриғи, ташаннуч, ярақон, амроз раҳм, яъни бачадон, ҳайз қони кўп кетмаслиги, ёш болалар касаллиги, химмо, азҳар – боланинг ичи ўтиши, аптекада бор дорилар, томир тутиш.

Алихонтўра Соғуний кишининг мижози тўрт хил бўлиши, жумладан, сафро – қуруқ-иссиқ, савдо – ҳўл-иссиқ, қон – қуруқ-совуқ, балғам – ҳўл-совуқдан бўлиши, жойлашган ўринлари хусусида сўз юритган: “Сафро туркийда ўт жойи, жигарга осилган ўт халтасида бўлур. Савдонинг жойи қоратолда бўлур. Балғамнинг жойи ўпкада бўлур. Қон бўлса ҳамма бадандадур”.

Алихонтўра қайси бир касалликка тўхталса, бу касалликни қаерда кимлар нима деб аташини ҳам келтириб ўтган. Масалан, “Химмо деб арабчада иситма, безгакни айтур... Ҳуқна деб арабчада амалчани, яъни клизма қўймоқни айтилур. Бу иш илгаридан бери Ислом ҳукамоларидан ишланиб келган нарсадир. Кўп яхши илождур. Бу замонимизда мошини клизма пайдо бўлиб, ҳаммага расм-одат бўлиб қолди... Сарсом деб арабчада кезик (юқумли) терламани айтур. Дўхтирлар тиб дейдур.... ёки зотилжамни туркийда қоғун, қирғизлар қобирғадан сесканган, қон тукурган санчиқ дейдур. Рус дўхтирлари воспаление дейдурлар... ёки истисқони, шишиқ иллатини рус дўхтирлари водянка деб айтурлар... Амроз раҳм, яъни бачадон туркийда болаётқининг иллатларини айтур”.

Зарифжон АРСЛНОВ,
Ўзбекистон ҳалқаро ислом
академияси таянч докторанти,
Имом Мотуридий ҳалқаро
илмий-тадқиқот маркази
илмий ходими

Фойдаланилган адабиётлар

- 1) Алихонтўра Соғуний. Шифо ул-илал // Шарқ юлдузи журнали, 6-сон. 1996. 186 б.
- 2) Алихонтўра Соғуний. Туркистон қайғуси. Тошкент: Шарқ, 2020.
- 3) Ш.Алмазбеков. Беназир устоз ёхуд Алихонтўра Соғуний тибий меъросига бир назар. Тошкент: Наврўз нашриёти, 2015. 136 б.

¹ نەلخان تورە ساغۇنى. تۈركىستان قايغۇسى (نەشرگە تېبىارلىغۇچى: حاجى تابۇررەشىد كېرىمى). – مىيونىتىن گېڭىمىيە: دۇنيا تۈبىغۇر قۇرۇلتىنى نىشر قىلدى، ٢٠٠٢ ب. ٧٢٢-٦٢٢.

² Алихонтўра Соғуний. Шифо ул-илал // “Шарқ юлдузи” журнали, 6-сон. 1996. 188 б.



Рамазонда бўлган

МУХИМ ВОКЕАЛАР

Рамазоннинг ўн учинчи куни:

– милодий 636 йил 18 октябрда (хижрий 15 йил) Умар ибн Хаттоб Қуддус шаҳрига кириб бордилар ва шаҳар аҳолисига омонлик аҳдномасини ёзиб бердилар.

Рамазоннинг ўн тўртинчи куни:

– милодий 1347 йил 18 декабрда (хижрий 748 йил) илм-маърифат ривожига катта ҳисса қўшган Миср ҳукмдори Ҳасан ибн Носир Мұхаммад Қаловун ҳукмронлиги бошланди.

Рамазоннинг ўн бешинчи куни:

– милодий 625 йил 1 марта (хижрий 3 йил) Набий алайҳиссаломнинг севимли набиралари Имом Ҳусайн розийаллоҳу анҳу туғилди.

Рамазоннинг ўн еттинчи куни:

– милодий 660 йил 24 январда (хижрий 40 йил) ҳазрат Али каррамаллоҳу важҳаҳу, 676 йил 12 июлда (хижрий 56 йил) мўминлар онаси ҳазрат Ойша розийаллоҳу анҳо вафот этишди.

Рамазоннинг ўн саккизинчи куни:

– милодий 642 йил 20 августда (хижрий 21 йил) «Сайфуллоҳ» лақабини олган Холид ибн Валид розийаллоҳу анҳу вафот этди.

Рамазоннинг йигирма иккинчи куни:

– милодий 630 йил 12 январда (хижрий 8 йил) Тоиф шахри мусулмонлар қўлига ўтди.

Рамазоннинг йигирма учинчи куни:

– милодий 652 йил (хижрий 31 йил) сосонийлар мағлуб этилди.


Рамазоннинг йигирма олтинчи куни:

– милодий 1401 йил 16 марта (хижрий 808 йил) машхур қомусий олим ва тарихчи Абдурраҳмон ибн Халдун вафот этди.

Чуст тумани бош имом-хатиби
Баходир ШАРИПОВ тайёрлади.

Умр мавсуми ўтди

Масжидлар



Рўза ойи – сабр ойи,
Тоғдай-тоғдай ажр ойи.
Ойларнинг энг хушчиройи,
Мўминларга ошно рўза,
Сенга жоним фидо, рўза.

Эй рўзай Рамазоним,
Сендиран моҳи жаҳоним.
Бу оламдаги ризвоним,
Салом, буюк шифо рўза,
Сенга жоним фидо, рўза.

Келдинг нурлар оламидан,
Жаннат, ҳурлар оламидан.
Шуълалар сочгин шамингдан,
Нурдан қалбим зебо, рўза,
Сенга жоним фидо, рўза.

Феруза тонглар соатлаб,
Ўқиб Қуръондан оялтар,
Қилай тавба, ибодатлар,
Менга келтир сафо, рўза,
Сенга жоним фидо, рўза.

Тоқатларим бўлди-ку тоқ,
Келгин тезроқ, очиб қучоқ.
Сен билан бир четда тинчроқ
Бўлай мен мутлақо, рўза,
Сенга жоним фидо, рўза.

Яратган ул Худо ҳаққи,
Қуръон нури зиё ҳаққи.
Муҳаммад Мустафо ҳаққи,
Минг дардга бир даво рўза,
Сенга жоним фидо, рўза.

Мамадиёр ХУШМАТОВ

Янги куннинг ҳар тонги масжид томондан бошланур,
Соф илоҳий бир садо, яъни аzonдан бошланур.
Ҳақ Расул фатвоси бирла бўлди илк масжид бино,
Тарихи кўп-кўп қадимдан, кўп замондан бошланур.

“Барча муслимдир, биродар”, истаги Байтул Ҳаром,
Ҳаж учун жаҳду жадал, жумла жаҳондан бошланур.
Ҳар куни кўз-кўзга тушгай, эрта тонгда “Ассалом”,
Ўзаро меҳр-оқибат тилдан, забондан бошланур.

Ҳар имом чин аҳли дониш, ҳар имом чин раҳнамо,
Турфа хил маърузалар, “яхши-ёмон”дан бошланур.
Қалб кўзи кўрмоқча бошлар, дилга жо бўлгай иймон,
Одамийлик англаким, асли иймондан бошланур.

Қалбга ҳам тушгай ёруғлик, ғам кетар мисли туман,
Ҳақ ўзи бергай мадад, коринг осондан бошланур.
Тўғри кел, эй аҳли иймон, мақсадинг жаннат эса,
Равзатул жаннат сари йўл шул макондан бошланур...

Абдусамад РАҲИМОВ, Учкўприк тумани

Имом Бухорий ҳазратлари

Отасидан гўдакликда маҳрум бўлган,
Уч ёшида кўзи ожиз бўлиб қолган,
Олти ёшида Қуръонни у ёддан билган,
Аллоҳ раҳмат назарини солган бобом.

Волидасин дуолари далда бўлди,
Тангри берган мўъжизадан кўз очилди,
Болаликдан илм ўйлин собит билди,
Раббисига дилдан ихлос қўйган бобом.

Аллоҳ берди унга ёдлаш илҳомини,
Ўн ёшидан ёд олди ҳадис илмини,
Шу ёшида биларди етмииш мингини,
Эй, қувваи ҳофизаси теран бобом.

Илм истаб, ҳадис излаб кезди жаҳон,
Аввал Макка, сўнг Мадина, Ироку Шом,
Ҳижоз эли, Миср, Нишопур, Хурросон,
Мақсадлари тоғдан юксак бўлган бобом.

Олти юз минг ҳадисни у ёзиб олди,
Уч юз минг ҳадисни у ёддан билди,

илғамас түшдек...

Хадислардан юз мингтаси саҳиҳ деди,
“Ал-Жомиъ ас-Саҳиҳ”ини тузган бобом.

Тасниф этиб Расулуллоҳ сийратларин,
Ахлоқлари, юмушилари – сұннатларин,
Үз үрнига қўйиб матнү санадларин,
Мухтасар бир асар – китоб қилган бобом.

Ушибу китоб Қуръондан сўнг тургани-чун,
Бани одам ундан ибрат олгани-чун,
Кенг оламни тўғри йўлга согани-чун,
Мусулмонлар эҳтиромин олган бобом.

Каримқул МАВЛОНОВ,
Бекобод тумани



Туюқлар

Мутриб омад куйин бир маромда ҷалаверади,
Аллоҳ уни кимга бутун, кимга ҷала беради.
Бутун омадли берганига шукрон қилмай,
Ҷала омадлининг оёғидан ҷалаверади.

Қасирғалар шаффоғ булоқларга ҷалинди,
Аҳли дониш ақли чўлоқларга ҷалинди.
Оҳирзамон нишонаси шулармиқан ё,
Давосиз дардлар қулоқларга ҷалинди.

Умр мавсуми ўтди илғамас түшдек,
Индайин чуваландик, баъзан чув түшдик.
Имконлар тушовланган самандай бу кун,
Үчқур отни бой бердик, эгардан түшдик.

Оlamda турфа хил одамлар, қилсанг эътибор,
Бири қоқ қуриб қолган, бошқасининг эти бор.
Бири яшар тор кулбада ўн нафар жон билан,
Бошқаси кошонада, биттагина ити бор...

Ўсишса ахлоқсиз бўлиб болалар,
Бағрингда кундан-кун чаён болалар.
Тарбияни бошдан бошлигин, зеро,
Гўдакликда ширин-новвот, бол алар.

Худойберган ШОМУРОДОВ

Тарбияни бошла дўстим бешикдан,
Қинғирлик кирмасин туйнук-тешикдан.
Улғайиб фарзандлар вояга етгач,
Кириб келсин пок иймонлар эшикдан.

Сен бўлмасанг саодат қайдা,
Бандаларга ҳалавот қайдा.
Иймон, сени топмаганларга,
Маҳшаргоҳда ҳимоят қайдा.

Саждага бош қўяр Ҳақни кўзлаган,
Ундан нажот топар дил хун бўзлаган.
Жаннат боғчасидан қуруқ қолади,
Ўзгалар ҳақида ғийбат сўзлаган.

Умримиз гўёки ўхшар эртакка,
Тиришамиз орзу учун етмакка.
Ақлу ҳушишимизни ҳали йиғмасдан,
Етиб келар ажал олиб кетмакка.

Дўстим, бепарво бўл дунё ғамига,
Кўп ташвиши чекма, бор-йўқ, камига.
Энг аввало ишинингни ўринлатиб қўй,
Ҳали тушмай туриб йўқлик комига.

Юксак осмонинг томимдир менинг,
Чексиз уммонинг жомимдир менинг.
Қалбимга жойланган покиза иймон,
Муқаддас шарафу шонимдир менинг.

Иброҳимжон АҲМЕДОВ,
Андижон шаҳри

Саодат асри. Ҳижратдан сўнг мади-наликларнинг кўпи самимий мусулмон бўлишган эса-да, иймон келтирмай, Исломга зимдан кек сақлаб юрган ай-рим мунофиқлар ҳам йўқ эмасди. Бу иккиюзламачилар фурсат топиши билан Пайғамбаримиз алайҳиссалом ва мусулмонларнинг обрў-эътибори, шарафини оёқости қиласиган ишларга киришиб кетишарди. Бу ишлардан бир Ойша розийаллоҳу анҳога қилинган туҳматдир. Бу Ислом тарихида “Ифқ ҳодисаси” номи билан машхур.



Уйдирма ҳодисаси

Пайғамбар алайҳиссалом Бани Мус-талиқ ғазоти учун Мадинадан чиқ-канларида (ҳижрий 5/милодий 626 йил) Ойша онамизни ўзларига ҳамроҳ қилган эдилар. Ғазотдан қайтишда карvon бир жойда дам олишга тұхтади. Ойша розийаллоҳу анҳо әхтиёж туфайли қоронғида узокрокқа кетди. Қайтаркан, тақінчоғи узилиб, унинг доналарини қидириб топгунча ҳаяллаб қолди. Карvon кўноқлаган ерга келганида ҳеч ким йўқ эди. Карvon кетиб қолганини англаб, йўқлигини билиб қолишгач, албатта қидириб келишларига ишониб, қимирламай жойида кутиб турди.

Бироздан сўнг кўшиндан ортда қолиб кетган Сафвон ибн Муъаттал Суламий келиб қолди. Ҳазрат Ойшани таниши билан тұяси-дан тушиб, уни үловга минишга ундади. Ўзи пиёда тұя жиловидан тутди. Сафвон пиёда бўлгани боис қанча тез юрмасин, карвонга чошгоҳда етишдилар. Бу ҳодиса мунофиқлар бошлиғи Абдуллоҳ ибн Убай ва унга эргаш-ғанларнинг ғийбатлари туфайли шаҳарда гап-сўз бўлди. Ҳатто баъзи мусулмонлар ҳам бу фитна гирдобига тушиб қолишиди. Сафардан қайтиб, касал бўлиб қолган ҳазрат Ойша ўзи ҳақидаги бўхтонларни кейинроқ эшилди. Фамдан яна хаста бўлгач, Расулуллоҳ ўзига илгаригидек эътибор қаратмаётғанларини кўриб, у зотдан изн олиб, отаси ҳазрат Абу Бакринг уйига кетди. Расулуллоҳ

соллаллоҳу алайҳи ва саллам билан бирга ҳазрат Абу Бакр розийаллоҳу анҳу ҳам ахли оиласи билан қаттиқ қайғуда эди. Ойша онамиз ривоят қилишича, ғийбатлар Пайғамбар алайҳиссаломни ҳам таъсирлантиргани, ўзини оқлаш учун нима демасин, шубҳаланиш әхтимоли бўлгани учун Юсуф алайҳиссаломнинг бошига иш тушганида сабр қилган Яъқуб алайҳиссалом каби (*Юсуф сураси, 18-оят*) Аллоҳдан мадад сўрашдан бошқа чораси қолмаган эди.

Ғийбатлар чидаб бўлмас даражада ёйилиб, фитна авж олганда Нур сурасининг ушбу оятлари нозил бўлди: «**Албатта, (бу) бўхтонни** (вужудга) келтирган кимсалар ўзларингиздан **бўлмиш** бир тўда кимсалардир. Уни (бўхтонни) **сизлар** ўзларингиз учун ёмонлик деб ўйламангиз, балки у сизлар учун яхшидир. Улардан (бўхтончилардан) **хар** бир киши учун ўзи орттирган гуноҳ (жазоси) бордир. Уларнинг орасидаги (гуноҳнинг) каттасини **кўтарган** кимса (Абдуллоҳ ибн Убай) учун эса **улкан жазо** (жаҳаннам) бордир. (Эй мўминлар!) Сизлар (бу бўхтонни) эшилган пайтингизда мўмин ва мўминалар ўзлари (бир-бирлари) ҳақида яхшиликни гумон қилиб: “**Бу аниқ бўхтон-ку!**” десалар бўлмасмиди?! Улар (Ойшани бадном қилмоқчи бўлганлар) тўртта гувоҳ келтисалар бўлмасмиди?! Бас, агар гувоҳ келти-

ра олмасалар, демак, Аллоҳ наздида улар ёлғончидирлар. Агар сизларга дунё ва охиратда Аллоҳнинг фазли ва раҳмати бўлмаса эди, албатта, ошириб-тошириб сўзлаганингиз сабабли сизларни улкан жазо тутган бўлур эди. Ўшанда сизлар уни тилдан тилга қўчириб, оғизларингиз билан ўzlарингиз аниқ билмаган нарсани сўзлар ва буни енгил фаҳмлар эдингиз. Ҳолбуки, у Аллоҳ наздида улкан (гуноҳ)дир...» (*Нур сураси, 11–20-оятлар*).

Пайғамбар алайҳиссалом бу оятларни Масжидун Набавийда ўқиб бердилар ва бу жирканч бўхтонни тарқатишда иштирок этганлар Нур сурасининг 4-оятига¹ биноан жазоланди. «Уларнинг орасидаги (гуноҳнинг) каттасини кўтарган кимса (Абдуллоҳ ибн Убай) учун эса улкан жазо (жаҳаннам) бордир» оятига кўра, Абдуллоҳ ибн Убайга дарра уриб ўтирилмади...

Ойша розияллоҳу анҳо бир қанча вақт қон йиғлатган бу уйдирма ҳодисаси хайрли якун топгани, ўзи туфайли ўн оят бирданига нозил этилгани умрининг охирига қадар ҳаётининг энг шарафли дамлари бўлганини англаб етган эди.

Бу воқеа замирада бугунги кунимиз, ҳаёт тарзимиз учун қиссадан ҳиссалар талайгина. Мухими: «Агар мўмин бўлсангиз, сира унга ўхшаган нарсаларга қайтмаслигингизни Аллоҳ сизларга насиҳат қилур» (*Нур сураси, 17-оят*) деган илоҳий эслатмадир.

*Манбалар асосида
Абдулатиф ХУДОЙБЕРДИ ўғли
тайёрлади.*

¹ «Иффатли аёлларни (зинокор деб) ҳақоратлаган, сўнгра (бу даъволарига) тўрт нафар гувоҳ келтира олмаган кимсаларни саксон даррадан урингиз ва абадул-абад уларнинг гувоҳликларини қабул қилмангиз! Ана ўшалар фосиқ кишилардир» (*Нур сураси, 4-оят*).

Сезилмайдиган жазо

Бир киши Ҳасан Басрий раҳимаҳуллоҳнинг ҳузурига келиб:

– Эшитишимча, ҳар бир қилинган гуноҳнинг жазоси бор. Мен кўп гуноҳ қилдим, аммо Аллоҳ мени жазоламади-ку?! – деди.

Ҳасан Басрий раҳимаҳуллоҳ деди:

– Болам! Аллоҳ сени бир неча бор жазолаган, аммо сен билмагансан:

1. У сендан муножот қилиш ҳаловатини тортиб олмадими?

2. Бир неча кун ўтса-да, Аллоҳ учун Қуръонни очиб ўқимадинг. Бу жазо эмасми?

3. Бир кечада таҳажҷудга турмадинг. Бу жазо эмасми?

4. Аллоҳ сени зикридан тўсиб қўймадими?

5. Сени молни, обрўни ва шуҳратни яхши кўрадиган қилиб қўймадими?

6. Ибодат қилиш сен учун оғир бўлиб қолганини сезмаяпсанми?

7. Фийбат, чақимчилик ва ёлғон гапириш сенга осон бўлиб қолмадими?

8. Аллоҳ сенга охиратни унуттириб, дунё ғамини чектириб қўймадими?

Шулар жазо эмасми? Аллоҳ жазоларининг энг енгили сезиладиган, билинадиган жазолардир. Оғири – сезилмайдигани. Раббимнинг қанча-қанча жазоларини кўпчилик сезмайди... Ўзи асрасин!



Ушбу воқеадан ибрат олишимиз, таъсирланнишимиз учун қуидидаги байтни эслаш кифоя: «Худо урса, овоз чиқармайди, лекин урганидан сўнг унга даво топиб бўлмайди».

*“Тақво аҳлининг гўзал қиссалари”
китобидан*

ОСМОННИНГ ҲАМ ДАРВОЗАСИ БОР

«Борди-ю, уларга осмондан бир дарвоза очиб қўйсаг-у, ундан (осмонга) кўтарила бошласалар ҳам, „шаксиз, бизларнинг кўзларимиз боғланиб қолди, балки бизлар сеҳрланиб қолган қавмдирмиз”, деган бўлур эдилар» (Ҳижр сураси, 14–15-оятлар).

Бирлашган Араб Амирликларида яшовчи олим, профессор Аднан Шариф инсоният тарихидаги биринчи фазогир ҳақида мақола эълон қилди. Ҳижр сурасининг 14–15-оятларини келтириб олим ёзадики, 1961 йил мусулмон бўлмаган фазогир Юрий Гагарин фазога кўтарилигандан иллюминатордан боқиб, Ер сайдерасини кўрганда ҳайратланиб бундай деган эди: “Мен нимани кўряпман? Мен туш кўряпманми ёки кўзларим боғланиб қолдими?” Маълум бўлишича, бу гаплар Парвозни бошқариш марказида ёзиб олинган экан. Бу ҳақда Ғарб оммавий ахборот воситаларида кўп ёзилган. Аммо собиқ шўро давлатида бу хабар кенг ёйилмаган...

Профессор Аднан Шариф Гагариннинг шу сўзлари ёзиб олингани боис айнан уларни иқтинос қилиб келтиради. У Куръони карим, фазо ва астронавтика билан шуғуллунадиган йирик олим.

Энди 1400 йил бурун нозил қилинган Куръони каримга эътибор қилинг. Ҳижр сурасида: “(Улар) унга (Куръонга) иймон келтирмайдилар. Ҳолбуки, аввалгиларнинг йўллари (тажрибадан) ўтган эди” (13-оят).

Оятнинг давомида: «**Борди-ю, уларга** (атеист коммунистлар) осмондан бир дарвоза очиб қўйсаг-у, ундан (осмонга) кўтарила

бошласалар ҳам, (улар): “Шаксиз, бизларнинг кўзларимиз боғланиб қолди, балки бизлар сеҳрланиб қолган қавмдирмиз”, деган бўлур эдилар», дейилган.

Гагарин “Мен нимани кўряпман. Туш кўряпманми ёки кўзларим боғланиб қолдими?” деган. Буюк Яратувчи бу ҳодиса қаҷон ва қаерда юз беришини тақдир қилган, шу боисдан бунинг ҳаммаси Ўзига аён эди. Биз бу ҳақда сўз юритаётганимизнинг сабаби ана шу исбот-далил Исломнинг ҳақ дин эканини ва Куръони карим – Раббимизнинг Каломи эканини тасдиқлади.

Ушбу воқеа икки марта Совет Иттифоқи Қаҳрамони фазогир-учувчи Поповичга сўзлаб берилганида, у бундай деган эди: «Ана шу тарихдан мени энг қизиқтиргани қайси, биласизми? Парвардигорнинг: “**Уларга осмондан бир дарвоза очиб қўйсак...**” деганидир. Бу каломнинг ажаб жиҳати, олимлар ўша осмон дарвозасини топиш учун жуда кўп ҳисоб-китоб ишларини олиб борган». Бир қарашда осмон очиққа, сиз истаган томонингиздан фазога кўтарилиб кетаверишингиз мумкинга ўхшайди. Аммо космик кемалар битта дарвозадан учиб чиқади ва битта дарвозадан қайтиб тушади. Лахзасига 11 km тезликда учадиган ракета бошқа жойга бориб урилиб ёниб кетмаслиги ёки нотўғри ҳаракати оқибатида қайтариб фазовий бўшлиқ қаърига улоқтириб юборилмаслиги учун юзлаб ҳисоб-китоб ишлари олиб борилган. Тарихда ана шу ҳодисанинг иккиси ҳам юз берган.

Бундан ташқари, Ториқ сурасининг 11-оятида: “**Қасамёд этаман ёмғирли осмон билан**”, дейилади. Биз бутун XXI асрга келибгина ушбу оятнинг мазмунини идрок этяпмиз. Уяли алоқалардан қанчалаб сигналлар кўтарилади ва қайтиб келади. Альфа-, бета-, гамма-нурланишлари билан ҳам худди шундай ҳодиса юз беради – улар бизнинг сайёрамизга тушмасдан фазога қайтиб кетади. Демак, осмон ўзига қайтариб олиш хусусиятига эга. Шунинг учун ҳам дарвозага тўғри йўналмасдан қайтган космик кема ёниб кетади. Бундан муваффақиятли парвоз этиш ва эсон-омон қайтиб келиш учун Куръони каримда зикр этилган ҳисобни аниқ олиш кераклиги аён бўлади.

**Ясман БУШИР.
Дамин ЖУМАҚУЛ таржимаси.**

“Нуриддин” шифохонаси мусулмон оламидаги энг машҳур тиббий марказлардан бири бўлган. Баъзан бу шифохона “Нурий” деб ҳам аталган. Дамашқ шаҳрининг марказида жойлашган учта машҳур шифохонадан биридир (*Allen, Terry (1999)*).

“Нуриддин” шифохонаси

Шифо масканини 1154 йилда машҳур ҳукмдор Нуриддин Занжий бунёд эттирган. Мисрлик тарихчи Мақризийнинг ёзишича, Нуриддин Занжий европалик қироллардан бирини асир олган. Қирол ўзини озод қилиш учун товон пули тўлаган. Шифохона ўша маблағ эвазига қурилган (*Бимаристан Нур ад-Дина Занги – древнейшая сохранившаяся мусульманская больница*). Ўшанда қирол тўртта қалъя ва 500 000 динор берган. Нуриддин бу тўловни Дамашқда ўзининг номи билан аталадиган шифохона қуриш учун ишлатишга қарор қиласди.

Ушбу даволаш маскани дунёдаги энг машҳур тиббиёт масканларидан бирига айланади. Унга кўплаб тиббий китоблар вақф қилинади. 20 нафар шифокор 1300 нафар bemорга хизмат кўрсатади. Мамлуклар сultonни Қалавун ҳам бу ерда оғир хасталикдан шифо топиб, юрти Қоҳирага қайтгач, “Нуриддин” шифохонаси каби мажмуа бунёд эттирган (*Бимаристан Нур ад-Дина Занги – древнейшая сохранившаяся мусульманская больница*).

Шифохонада мураккаб жарроҳлик амалиётлари олиб борилиши билан бирга илмий тажрибалар ўтказиладиган лаборатория ҳам бўлган. Дунёнинг турли бурчакларидан келган олимлар янги дори-дармонлар устида ишлаганлар. Тарихчи Ибн Абу Усайба ушбу шифохона фаолиятини куйидагича тавсифлайди: “Барча bemорлар аввал ташки айвонда текширилган. Дарди енгил bemорларга дорилар берилиб, уйларига кузатилган; оғир касаллар олиб қолинган”.

XII аср сайёхи Ибн Жубайр бундай дейди: «“Нуриддин” Дамашқдаги энг йирик ва энг кўп ташриф буюриладиган шифохонадир. Даволаш маркази назорати остида bemорнинг исми, зарур дори-дармон воситаси, озиқ-овқат маҳсулоти ва шунга ўхшаш зарурий сарф-харажатларни белгилайдиган

бўлим бор. Шифокорлар эрта тонгда касалларни текшириш ва ҳар бирига дори-дармон ва озиқ-овқат маҳсулотини тайёрлашга буюртма бериш учун келишади”».

Ибн Жубайр сафари давомида, хусусан, “Нуриддин” шифохонасини “Ислом

улуворлигининг далилларидан бири” деб атаган.

Халил ибн Шоҳин Зоҳирий “Зубда кашфул мамолик” китобида Дамашқда “Бутун дунёда тенги йўқ шифохона”ни кўрганини ёзади. У 1428 йилда шаҳарга ҳамроҳи билан ташриф буюргани ҳақида бундай дейди: “Менга бир форс ҳамроҳ бўлди. У Нурий шифохонасида берилаётган озиқ-овқат, хизмат ва қулийкларни кўргач, ўзини касалга солиб, шифохонага ётди. Шифокор ҳар куни унинг юрак уришини ўлчади. Турли гўшт, ёғли товуқ, ширинлик, ичимлик ва сархил мевалардан иборат парҳезни тайинлади. Лекин унга шифохонада уч кундан ортиқ қололмаслиги битилган қофозни ташлаб кетади”.

Бугунги кунгача сақланиб қолган шифохона биноси архитектура дурдонаси ва Дамашқнинг диққатга сазовор жойларидан бири ҳисобланади. У 1975 йилда қайта тикланган ва ҳозирда унда араб тиббиёти ва фанлари музейи жойлашган. Энг машҳур араб табиблари, жумладан, Ибн Нафис ва Ибн Абу Усайба шу даргоҳда фаолият юритган.

Манбалар асосида Мунаввар РУСТАМ қизи тайёрлади.



Тарихи Мұхаммадий

(Давоми. Бошланиши ўтган сонларда.)

БАДР ҒАЗОТИ

Аларнинг энг биринчиси шулдурким, ҳар одам ўз эрк ва ихтиёрига эга бўлмоқдур. Ўзида эрки, қўлида ихтиёри йўқ одамларнинг ҳайвондан нима фарқлари бордур?

Иккинчиси шулки, шаръий ёки қонуний касблар орқали топган молу дунёси, қилган меҳнатининг меваси шул топгувчининг ўз ҳақи бўлиб, аниг хос мулкидур.

Учинчиси шулки, ҳар бир миллатнинг ҳақиқий онаси – миллатнинг туғилиб ўсган, ота-бобосидан мерос қолган Ватанидур. Она Ватанини бошқалар тасарруфига қолдирмоқ Ватан авлодларининг кечирилмас оғир жиноятларидур, балки инсон ҳақларига қилган хиёнатидур.

Тўртинчиси шулки, ҳар мамлакат халқининг асрлар бўйи асралиб келаётган муқаддас динларидур.

Энди бу юқорида ёзилмиш тўрт нарса га эга бўлмоқ учун ҳар миллатнинг бутун ҳақлари шу миллатнинг ўз қўлида бўлиши шарттур. Бу иш эса ҳаётнинг кураш майдонларида душманлари узра ғалаба

қозонмоқ билан қўлга келур. Шунинг на тижасида у миллатнинг ҳокимияти ўз қўлида сақланур. Ана шундагина бутун ҳақларини ўзлари ҳимоя қила олгайлар. Агар бундоғ бўлмай, иш тескарисига айланиб, мағлубият балосига қолсалар, асорат ва маҳкумият занжири билан банд бўлиб, душман қўлида қолсалар, ул чоғда инсоният ҳақларидан бутунлай ажраб, юқорида айтилмиш тўрт қимматли нарсанинг бирига ҳам эга бўлмайдилар. Балки ҳайвонлар қаторидан ҳам тубанроқ тушадилар. Расулуллоҳ (соллаллоҳу алайҳи ва саллам) айтган бу ваъзларининг сирлари озроққина ўйлаб қараган ҳар қандоқ кишига очиқ маълумдур.

Яна ўз сўзимизга келайлик. Кофир ва мусулмон икки тараф бўлиб, саф боғладилар. Ўшал замоннинг уруш одатлари бўйича Қурайш кофирларидан уч одам майдонга кирди. Биринчи – Утба ибн Рабиъа, иккинчиси – унинг иниси Шайба, учинчиси – ўғли Валид эрди. Булар туриб, муборазат кўрсатдилар. Яъни, мусулмонлардин майдонга чиқсун деб, ўзларига баҳодир чақирдилар. Мусулмонлардин уч киши аларга қарши майдонга тушди. Биринчи – Муаввиз, иккинчиси – Муъз, учинчиси Авф эрди. Булар анзорий саҳобалардин бўлиб, учовлари бир туғишган қариндош эдилар. [“Зодул-маод”да майдонга тушганлар Абдуллоҳ ибн Равоҳа, Авф ва Муаввиздир] Алар билан қарши келишиб кўришганларида:

– Қайси қабиладан бўласиз? – деб сўроқладилар.

– Бизлар анзорийлардин бўламиз, – деб жавоб бердилар. Анда улар:

– Сизлар яхши тенгдошлар экансиз, лекин биз ўз уруғимиз ҳошимийлар билан майдон тутмоққа хумормиз. Бизга шулардин чиқсун, – дейишди. Буни англаб, учовлари Расулуллоҳ қошлирига келишиди. Пайғамбаримиз ҳошимийларга қараб айтдилар:



– Ислом дини – Аллоҳнинг ёқиб қўйған чироғидир. Бу коғирларнинг мақсадлари шу чироқни ўчиришдур. Эй Убайда, эй Ҳамза, эй Али, учовинглар туринглар! – деб фармон бердилар. Булар ҳам жавлон уриб, дарҳол майдонга отилишди. Қарши-қаршига келиб қарасалар ҳам, бир-бирларини таниша олмадилар. Чунки у замондаги уруш одатича, соват ва дубулға кийган кишиларнинг кўзларидан бошқаси кўринмас эди. Насаб сўрашиб, танишган сўнгидা, ҳар икки тарафдин олти баҳодир қаршилашдилар. Убайда – Утбага, Ҳамза – Шайбага, Али – Валидга тўғри келишди. Булар ичida барчадин ҳазрат Убайданинг ёши улуғроқ бўлиб, Пайғамбаримиздан ўн ёш чўнг эди. Энди бу баҳодирлар икки тараф кўшинларининг кўз олдиларида бир-бирларига ҳамла қилишди. Энг аввал қилич солиб, қаршидаги душманни енгган – ҳазрат Али эди. Бир қилич уриб эрди, оёғи кесилди, иккинчи қилич солиб ўлдирилди. Амир Ҳамза ҳеч қанча ҳаял ўтказмай, Шайбага ғалаба қозонди. Аммо ҳазрати Убайда билан Утба бир-бирларига қилич солишиб, ҳар икковлари ҳам оғир яраландилар.

Уруш бошланиши мусулмонларнинг енгиши билан бўлганидан аҳли Ислом руҳи кўтарилиди. Уч баҳодирлари майдонда ўлдирилиб, душман руҳи тушди. Дарҳол ҳазрат Убайдани орқалашиб, Расууллоҳ олдиларига келтирдилар. Оёқлари қилич зарбидан кесилиб, иликлари оқиб турмоқда эди. Расууллоҳнинг муборак қадамларига юзини қўйиб:

– Ё Расулаллоҳ! Шу жароҳатим билан ўлсам, шаҳидлик даражасини топгайманму? – деб сўради. Анда Расууллоҳ:

– Гувоҳлик берурман, Аллоҳ таоло шаҳидлик даражасини албатта сенга ато қилгай, – деб башорат бердилар. Уруш тугаб, Мадинага қайтишларида Сафро деган қишлоққа келганда вафот топиб, шунда дағн қилинди. Бу киши Худо учун муборазат майдонида жон бериб, шаҳодат топган Ислом баҳодирларининг биринчиси эди (Худо ундан рози бўлсин).

Сўнгра Расууллоҳ тепа устига қурилган жойларидан тушиб, аскарларга қараб айтдиларким: – Мендин буйруқсиз душманга ҳужум қилмагайсиз. Агар сизлардин илгари улар ҳужумга ўтсалар, яқинлашиб келгунларича аларни ўқقا тутинглар. Бу иш душман кучини синдириб, орқага чекинтиргай. Агар устингизга етиб келсалар, у ҳолда қилич суғуриб, қарши ҳужумга ўтинглар, ҳар ким урушда чидамлилик қилур эрса, зафар унинг билан бўлур. Уруш сафида сабр қилгувчиларга Аллоҳ ёрдам берур. Бу сўздин сўнгра ҳазрат Абу Бакр Сиддиқ билан ўз ўринларига ёндилар. Бу орада уруш ҳам қизигали турди. Анда Пайғамбаримиз шу дуони ўқидилар:

اللَّهُمَّ أَنْشِدْكَ عَهْدَكَ وَوْعَدْكَ، اللَّهُمَّ إِنْ ظَهَرَوا عَلَىٰ هَذِهِ الْإِصَابَةِ ظَهَرَ الشَّرُكُ وَلَا يَقُولُ لَكَ دِينٌ.¹

“Аллоҳумма уншидука аҳдака ва ваъдака, Аллоҳумма ин заҳару ало ҳозиҳил исобати заҳараш-ширку вало яқуму ла-ка дин”.

Маъноси: “Эй Бори Худоё, мўминларга нусрат берурман, деб Ўзинг ваъда қилган эдинг. Энди шу ваъдага вафо қилмоқни Сендин талаб қилурман. Агар шу кунги урушда коғирлар ғалаба қилиб, мусулмонлар енгилсалар, қуфр ривож топгай, ер устида ҳак дин бош кўтара олмагай”, демакдур.

Бу дуодин сўнгра бирор соат ўтмасдан, душман аскари бузилиб, орқа ўгириб қочгали турдилар. Аллоҳ таоло мўминларга фаришталар орқали ёрдам етказди. Курайш ва бошқалардин бўлиб, душман тарафидин етмиш киши ўлдирилди. Яна шу баробаринда етмиш киши асир олинди. Мусулмонлар Аллоҳнинг ёрдами билан ўзларидан уч баробар ортиқ душманларни енгдилар.

**Алихонтўра СОҒУНИЙнинг
“Тарихи Мухаммадий” асаридан**

Давоми бор...

¹ Имом Бухорий. Тафсиру сура (6) 54.

ГРУЗИЯ МУСУЛМОНАРЫ

Ислом Грузияга милодий VII асрда кириб келган. Тбилиси эса бир неча аср давомида Тифлис амирлигининг пойтахти бўлган. 1121 йилда Давид Агмашенбели Дидгоридаги жангда ғалаба қозониб, уни салжуқийлардан қайтариб олади. XV–XVII асрларда эса Грузия худуди турклар ва форслар қўй остида бўлган. Айни пайтда ёнма-ён яшайдиган Доғистон мусулмонлари ҳам картвел (грузин қабилаларининг қадимги номи) ўлкасида Ислом дини ёйилишига таъсир кўрсатади.

Натижада грузин халқи таркибида бир нечта исломий субэтнослар (катта халқа мансуб одамларнинг кичик жамияти) пайдо бўлган.

Ажарликлар. Батуми атрофидаги кичик вилоят – Ажарда яшайди. XVI асрда Исломни қабул қилишган.

Ингилойлар. Грузинларнинг Озарбайжон ва Грузия туташган жойда яшовчи кичик этноси. Саингило, шунингдек, Ҳерети деб ҳам аталади. Кўпчилик ингилойлар Исломга доғистонликлар таъсирида кирган.

Фарайданлар. XVII аср бошларида форс шоҳи Аббос томонидан арманлар билан бирга грузинларнинг катта субэтнос авлоди (юз минг киши) Форс диёрига олиб кетилган. Фарайдан грузинлари машҳур Исфаҳон шахри яқинидаги Фарайдан вилоятида яшайди.

Лазлар. Улар (икки юз мингдан ортиқ киши) Туркия шарқи ва Ажариянинг бир неча қишлоқларида яшайди, сунний мазҳабида.


Чвенебурилар. Чвенебури – сўзма-сўз таржима қилинса, “бизники” дегани. XIX асрда

мухожир сифатида усмонийлар империясига кўчиб ўтишган. 300 минг киши атрофида бўлган чвенебурилар ўзларини туркча сўз билан “туржи” деб аталишини ёқтиришади.

Имерхевлар. Имерхеви вилоятининг груzin тилида сўзлашувчи аҳолиси. Туркия томонда, ажарларга яқин худудда яшайди.

Аҳиска турклари. Улар ахалсих турклари. Асли Грузия жанубидаги Месхети вилоятининг Алахсиха (Янги қалъа, туркчада Аҳиска) шаҳри яқинидан. Улар Ислом динига эътиқод қилишса-да, грузинларнинг урф-одатларига амал қиласди, кавказликларнинг миллий кийимларини кийишиади.

Грузиянинг қарийб 10 фоиз аҳолиси мусулмон, мамлакатда 250 та масжид бор.



Дамин ЖУМАҚУЛ
тайёрлади.